

"24 საათის" ფიქციანი ნომერი  
**\*2424**

**გულმოდგინების  
მოლოდინი  
საკვრობილში**

A7



**ქართული დამწერლობა  
- ბასაბაზი  
ყველასთვის**

A11



**ახსოვლური  
მსოფლიო**

A15



**24 საათი**

"24 საათის"  
ელექტრონული ვერსია  
ინილეთ Web-გვერდზე  
**www.24saati.ge**

ჩვენი პარტნიორები:



## დიპლომატიური ჭიდილი

განცხადებები ევროსაბჭოს დასკვნის შემდეგ

დინიტრი ავალიანი

რუსეთის საგარეო საქმეთა მინისტრმა საქართველოს კონფლიქტურ რეგიონებში "უსაფრთხოების" საკუთარი ხედვა კიდევ ერთხელ გაახმოვანა. კრემლი ძალის გამოყენებლობის შესახებ შეთანხმების გაფორმებასა და საქართველოსთვის იარაღის მიყიდვის აკრძალვას ითხოვს.

იმავედროულად, საქართველოს საგარეო უწყება ევროპის საბჭოს მონიტორინგის კომიტეტის შუალედურ მემორანდუმს გამოეხმაურა და საერთაშორისო თანამეგობრობას, რუსეთის მხრიდან პროვოკაციების აღსაკვეთად და ახალი შეიარაღებული დაპირისპირების თავიდან ასაცილებლად, სასწრაფო ზომების მიღებისკენ მოუწოდა.

"ჩვენ შორს ვართ იმ აზრისგან, რომ კავკასიის კრიზისის საკითხებში ჩრდილში მოვექცეთ," - განაცხადა გუშინ რუსეთის საგარეო საქმეთა მინისტრმა სერგეი ლავროვმა და აღნიშნა, რომ რუსეთი "რეგიონში უსაფრთხოების საკითხის გადაჭრას ცდილობს."

"პირველ რიგში, საქართველომ უნდა აიღოს ვალდებულება, არ გამოიყენოს ძალა სამხ-

რეთ ოსეთისა და აფხაზეთის წინააღმდეგ, ასევე უნდა შემუშავდეს შეთანხმება საქართველოსთვის იარაღის მიწოდების შეწყვეტის, ასევე სამხრეთ ოსეთის წინააღმდეგ საქართველოს აგრესიის შედეგების დაძლევის შესახებ," - ჩამოთვალა ლავროვმა "უსაფრთხოების საკითხის გადაჭრის მიმართულებები."

გაზრდილობა A3 გვირდობა

## ჭორჭ ბუში ჩრდილში დარჩენას ამტოვინებს

ხათუნა ბაბიჯი

ჯორჯ ბუშს, რომელსაც 2009 წლის 20 იანვარს თეთრ სახლში ბარაკ ობამა შეცვლის, არ სურს შეერთებული შტატების პრეზიდენტის პოსტის დატოვების შემდეგ კიდევ დარჩეს საზოგადოებრივი ყურადღების ცენტრში. ასეთი განცხადება მან ტელეარხ "C-Span-ისთვის" მიცემულ ინტერვიუში გააკეთა.

ვაშინგტონის ამჟამინდელი ადმინისტრაციის ხელმძღვანელს გაუჭირდა პასუხის გაცემა კითხვაზე თუ მისი აზრით, როგორ ამპლუაში იქნებოდა სარგებლის მომტანი ქვეყნის მომავალი ხელისუფლებისთვის.

"რის გაკეთებასაც არ ვისურვებდი ავანსცენაზე დარჩენა. საზოგადოებამ მთელი ყურადღება ახლად არჩეულ პრეზიდენტ ობამაზე უნდა გადაიტანოს, მე კი მეტისმეტად დიდი პატივისცემით მოვეპყრობი მას მისი პრეზიდენტობისას," - განაცხადა ჯორჯ ბუშმა.

გაზრდილობა A7 გვირდობა



ბუშს გამოსამშვიდობებელი სიტყვის თქმა ჯერ გადაწყვეტილი არ აქვს

## გურამ ქართველიშვილის კიდევ ერთი ისტორიული ამბავი

ახმეტელის სახელობის თეატრში საპრემიერო დღეები

თამარ ჯიქნაველიძე

სანდრო ახმეტელის სახელობის თეატრში პრემიერა შედგა.

ამ თეატრის შემოქმედებითმა ჯგუფმა, რეჟისორ გიორგი შალუტაშვილის ხელმძღვანელობით, განახორციელა გურამ ქართველიშვილის პიესა, სახელწოდებით - "ცერკოვნი ბუნტ - 1819 წელი". სპექტაკლში აქცენტი ისტორიული ფაქტებით გაჯერებულ ტექსტზეა გაკეთებული და

კიდევ, მსახიობ აკაკი ხიდაშელზე, რომელმაც ხოსია იაშვილის სახე შექმნა.

ის ფაქტი, რომ პიესის ავტორი გურამ ქართველიშვილია, ბევრ რამეზე მიუთითებს. უპირველესად კი, ავტორის მიერ შემოთავაზებული ნაწარმოების თემატიკაზე. მაყურებელს აუცილებლად ეცოდინება, რომ მარჯანიშვილის თეატრში, რეჟისორ ლევან ნულაძის მიერ განხორციელებული პიესის - "ქაქუჩა ჩოლოყაშვილი" ავტორი სწორედ გურამ ქართვე-

ლიშვილია. მანამდე, ამავე ავტორის პიესა, სახელწოდებით - "ქრონიკები", რეჟისორმა ოთარ ევაძემ "ვაკის თეატრალურ სარდაფში" დადგა. ამჯერად კი, ქართველიშვილის მიერ გააზრებული ისტორიული მოვლენები საქართველოს უახლოესი წარსულიდან ახმეტელის სახელობის თეატრის სცენაზე გათამაშდა.

ძალიან რთულია აღიქვა სპექტაკლი, როდესაც გაყინულ დარბაზში ზიხარ და არც პროგრამა არსებობს, რომ დასის

ახალ და მაყურებლისთვის, შედარებით, უცნობ წარმომადგენლებს გაეცნო. შესაბამისად, გიჩნდება კითხვა - ამ თეატრს ასე უჭირს? თუმცა, ეს, ალბათ, სულ სხვა თემაა სასაუბროდ და სჯობს, სხვა დროს მივუბრუნდე. ერთადერთი, რაც შემიძლია ვივარაუდო, ის არის, რომ ასეთ პირობებში მუშაობა, ალბათ, შემოქმედებით ჯგუფსაც უძნელდება.

გაზრდილობა A10 გვირდობა

### აშშ სოხუმსა და ცხინვალში დანიელ ორტეგას დაგემილ ვიზიტს აპროტესტებს

ჯორჯ ბუშის ადმინისტრაციის ოფიციალური წარმომადგენელი შონ მაკკორმაკი საქართველოს ოკუპირებულ ტერიტორიებზე ნიკარაგუას პრეზიდენტის მომავალ სტუმრობას "არაკონსტრუქციულად" აფასებს, რადგან, მისი თქმით, ე.წ. სამხრეთ ოსეთისა და აფხაზეთში სიტუაციის დარეგულირების პოლიტიკური პროცესი ჯერ კიდევ არ დასრულებულა. პირველი

### "ეფ-ეს-ბე" საქართველოს შესახებ

რუსეთის უშიშროების ფედერალური ბიურო საქართველოს სპეცსამსახურების აგენტურული ქსელის შესახებ ალბაპარაკდა. "ეფ-ეს-ბე"-ს უფროს ალექსანდრ ბორტნიკოვის განცხადებით, საქმე რუსეთის ხუთი მოქალაქის წინააღმდეგ არის აღძრული, მათ საქართველოს სპეცსამსახურებთან თანამშრომლობისთვის ფო ბრალად ედებათ სახელმწიფო ღალატი. ბორტნიკოვის თქმით, ისინი ქართველებს სამხედრო ობიექტების, სამართალდამცავი ორგანოებისა და სპეცსამსახურების შესახებ ინფორმაციის მოგროვებაში ეხმარებოდნენ. პირველი

### სეპარატისტები თვითმფრინავის ჩამოგდებით იმუქებიან

ცხინვალის ფაქტობრივი მთავრობის მტკიცებით, გუშინ 6:10 საათზე, სამხრეთ ოსეთის რესპუბლიკის საჰაერო სივრცე დაარღვია ქართულმა უპილოტო მფრინავმა ობიექტმა, რომელიც 2500 მეტრის სიმაღლეზე დაფრინავდა. ე.წ. სამხრეთ ოსეთის თავდაცვის მინისტრის მოადგილე იბრაგიმ გასეიევის თქმით, "თუკი უპილოტო მზვერავი თვითმფრინავი კიდევ ერთხელ გამოჩნდება რესპუბლიკის საჰაერო სივრცეში, ცხინვალის იძულებული იქნება, ის ჩამოადგოს." საქართველოს შინაგან საქმეთა სამინისტრო სეპარატისტების ბრალდებას უარყოფს. პირველი

### ოსეთის ე. წ. უფლებათადამცველი ქალები აშშ-ში ჩავიდნენ

ვამინგტონში სამხრეთ ოსეთის ქალთა ასოციაციის - "დემოკრატიისა და ადამიანთა უფლებებისათვის" - ექვს-კაციანმა დელეგაციამ შეხვედრები გამართა. მათ საკუთარი პოზიციები გააცნეს ამერიკელი სენატორისა და კონგრესმენის თანაშემწეებს, რომელთა მუშაობითაც არასამთავრობო ორგანიზაციის წარმომადგენლებმა ამერიკელ კანონმდებლებს მიმართეს თხოვნით, ჩაატარონ მოსმენები აშშ-ს კონგრესში. სამხრეთ ოსეთის ირგვლივ აგვისტოს სამხედრო კონფლიქტის მიზეზების გასარკვევად. სახელმწიფო დეპარტამენტში ოს ქალებთან შეხვედრაზე უარი განაცხადეს. დეპარტამენტის წარმომადგენელ რობერტ ვულის თქმით, "ჩვენ გვინდა ადამიანთა ფართო სპექტრთან შეხვედრა სამხრეთ ოსეთიდან და წარმოდგენის შექმნა იმის შესახებ, როგორი სიტუაციაა ადამიანის უფლებათა დაცვის სფეროში და რა მდგომარეობაა ადგილზე." მედიანისუი

### ტროტუარზე გაჩერება აიკრძალება

პარლამენტის ბიუროს გუშინდელი სხდომაზე "საგზაო მოძრაობის უსაფრთხოების შესახებ" კანონი ცვლილების ინიციატივა წამოჭრეს. კანონპროექტის თანახმად, იკრძალება სატრანსპორტო საშუალების გაჩერება ტროტუარზე. გარდა იმ ადგილებისა, რომელიც ადგილობრივი თვითმმართველობის და აღმასრულებელი ორგანოს მიერ სატრანსპორტო საშუალების პარკირებისთვის არის განსაზღვრული. პირველი

### შუამავალი ნატო-საქართველოს შორის

2009-2011 წლებში ლატვია საქართველოსა და ნატო-ს შორის ე.წ. საკონტაქტო საელჩოს ფუნქციას შეასრულებს. რუსული სააგენტოების ინფორმაციით, ამის შესახებ ლატვიის საგარეო საქმეთა სამინისტრო იტყობინება. "საკონტაქტო საელჩოს" ამოცანაა, ნატო-სა და პარტნიორ ქვეყნებს შორის ურთიერთობის გაუმჯობესების ხელშეწყობა, ალიანსის პოლიტიკისა და მიზნების შესახებ ინფორმირება.

ამგვარი საელჩოების ქსელი ნატო-ში 1990 წლის დასაწყისში შეიქმნა. ლატვია მხარს უჭერს საქართველოს მისწრაფებას ნატო-ში ინტეგრირებისთვის და აქტიურ როლს, რათა საქართველოს ალიანსის წევრობის სამომავლო გეგმა მიენიჭოს. 2004-2006 წლებში ლატვიამ "საკონტაქტო საელჩოს" ფუნქცია ნატო-სა და შვედეთს შორის შეასრულა, ხოლო 2007-2008 წლებში - ნატო-სა და ფინეთს შორის. ინტერპრესნიუსი

### "ნაციონალების" როტაცია

პარლამენტის სხდომაზე რურუს ადგილმონაცვლედ "ნაციონალური მოძრაობის" პარტიული სიის რიგით მობედვრო ნევერობის კანდიდატი გიორგი ხახნელიძე ცნო. ის პარტიულ სიაში ორგით 52 იყო, რურუს კი - რიგით 24-ე. გიორგი ხახნელიძე ამ დრომდე თბილისის საკრებულოში ფრაქცია "ნაციონალური მოძრაობის" უმრავლესობის თავმჯდომარე იყო. საკრებულოში ხახნელიძეს ნევერობის სტატუსი მას შემდეგ შეუნყებდა, რაც ცესკო-ს გადაწყვეტილებას პარლამენტში დაამტკიცებენ. პირველი

# ხანგრძლივი და ურთულესი გზა

ყენევის მოლაპარაკებების მესამე რაუნდის შეფასებები

ქვემოთ მოცემული შეფასებები მოქმედებდა იქ და ა. შ. ყოველივე ამის მიხედვით შეიძლება განვიხილოთ, რამდენად ახლოს ვიყავით ან რა მანძილი გვაშორებდა სასურველ შედეგს".

რაც შეეხება უშუალოდ მესამე რაუნდს, არჩილ გეგეშიძის განცხადებით, თუ ტელევიზიით გავრცელებულ ინფორმაციას განვაზოგადებთ, შეიძლება მომავალში მოკრძალებულ შედეგს ველოდოთ. აქედან გამომდინარე, მოლაპარაკებები აუცილებლად უნდა გაგრძელდეს. "ტელევიზიით შევიტყვეთ, რომ მხარეები კონკრეტული დოკუმენტის შეჯერებულ ვარიანტზე მსჯელობდნენ და ერთ-ორი პუნქტის გარდა, ყველაფერზე შეთანხმდნენ. სწორედ ამ ორი პუნქტის გამო დოკუმენტი ვერ იქნა მიღებული და შეხვედრაც უშედეგოდ ჩაითვალა. საბოლოო ჯამში, მოლაპარაკებებთან შედგომ რაუნდში, სავარაუდოდ, შედეგი უნდა გაუმჯობესდეს".

როგორც გეგეშიძემ ჩვენთან საუბრისას აღნიშნა, მთავარია, შუამავალმა მხარეებმა ფასილიტატორებმა წინა მოლაპარაკებების პრაქტიკა და გამოცდილება გაიზიარონ და ყველაფერი გააკეთონ იმისათვის, რათა მომდევნო რაუნდზე მხარეები ერთმანეთს უფრო

დაახლოებული პოზიციებით შეხვდნენ. საერთაშორისო ურთიერთობების საკითხებში ექსპერტთორნიკე შარაშენიძის შეფასებით, მესამე რაუნდის უშედეგობა მოულოდნელი სამდევნოდ არ ყოფილა. "საქართველოს ამ ეტაპზე მოთმინება მართებს," - დასძენს შარაშენიძე. ექსპერტი მიიჩნევს, რომ დრო რუსეთის საზიანოდ მოქმედებს. კერძოდ, შარაშენიძე იმედოვნებს, რომ კრიზისში მყოფი რუსეთი, გარკვეული პერიოდის შემდეგ, იძულებული გახდება, დასავლეთთან დათმობაზე წავიდეს.

მოლაპარაკებების მთავარი ფუნქცია არ არის ის, რომ მან გარკვეული შედეგი გამოიღოს. ეს ფორმატი გულისხმობს, რომ მხარეებს შორის, უბრალოდ, არსებობდეს კონტაქტები. აქედან გამომდინარე, განსხვავება პირველ, მეორე, მესამე და შემდეგ რაუნდებს შორის არის ძალზე პირობითი, ნაკლებად მნიშვნელოვანი," - განუცხადა "24 საათს" ნოდია.

ჩვენს შეკითხვაზე - უნდა გაგრძელდეს თუ არა მოლაპარაკებები? - ნოდია პასუხობს, რომ მოლაპარაკებების არსებობით, ამ პროცესის გაგრძელებით საერთაშორისო თანამეგობრობას, რომ ჩვენ კონფლიქტების მშვიდობიანი მოგვარების მომხრეები ვართ და მთლიანად ვართ მოლაპარაკების პროცესში ჩართული," - აცხადებს დავით აფრასიძე "24 საათთან" საუბრისას.

**გაზეთი "24 საათის" გამომცემელი შპს "მზა". რედაქტორ-გამომცემელი: მამუკა ფარუშაშვილი, პაატა მუხამბია. რედაქცია:** სოფიო ჩხაიძე (მთავარი რედაქტორი), ლევან ღირსიაშვილი (მმართველი რედაქტორი). რედაქტორები: მაია ქალაღანიძე (საზოგადოება/Weekend), ინგა ალაიძე (სამართალი), დავით ნინიკაშვილი (ბიზნესი), სოფო კილაშონია (რეგიონი), კახა ფარუაშვილი (სპორტი). რედაქციის და მარკეტინგის მენეჯერი: ირაკლი ლეჟავა ტელ: 899 22 09 49. მონაწილე/მომხმარებელი ცენტრში: თამაზ ჩხაიძე (მენეჯერი), დიმიტრი შალუტაშვილი, თენგიზ ქორია, ნინო ყავლაშვილი  
**რედაქციის მისამართი: თბილისი, 01-86. ირაკლი გამრეკელი ქ.51. ტელ: 20-24-24, 31-91-03 (06, 07), 31-93-90 (91). ფაქსი: 31-93-86. ელ-ფოსტა: public@24hours.ge**











# ანტიამერიკული განცხადებები დსთ-ს სამიტის წინ

ლევან გელაშვილი

20-21 დეკემბერს ყაზახეთის კურორტი ბოროვოე დსთ-ს რიგი ქვეყნების პრეზიდენტების არაფორმალურ შეხვედრას უმასპინძლებს. ყაზახეთის პრეზიდენტმა ნურსულთან ნაზარბაევმა სომხეთის, ბელარუსის, ყირგიზეთის, რუსეთის, ტაჯიკეთის, თურქმენეთისა და უზბეკეთის პრეზიდენტები კრიზისის დაძლევის გზების განსახილველად თავის ქვეყანაში მიიწვია. შეხვედრას არ დაესწრება დსთ-ს მოქმედი თავმჯდომარე ქვეყნის, მოლდოვას პრეზიდენტი ვლადიმერ ვორონინი, ასევე უკრაინისა და აზერბაიჯანის პრეზიდენტები. რუსეთის სამხედრო-პოლიტიკურ წრეებზე დაყრდნობით სააგენტო "ინტერფაქსმა" გაავრცელა ინფორმაცია, რომ ბოროვოეში გასამართ დსთ-სა და კოლექტიური უსაფრთხოების შეთანხმების ორგანიზაციის არაფორმალურ სამიტზე არ ჩავა უზბეკეთის პრეზიდენტი ისლამ კარიმოვიც.

როგორც დმიტრი მედვედევის ადმინისტრაციაში განაცხადეს, ყაზახეთში დსთ-ს ქვეყნების მეთაურების შეკრება არაფორმალური შეხვედრის ფორმატში ჩაივლის. აღსანიშნავია, რომ რაიმე ოფიციალური დოკუმენტი აღნიშნულ შეხვედრაზე მიღებული არ იქნება.

**"ყაზახეთის პრეზიდენტის ინიციატივას იმაში მდგომარეობს, რომ გააერთიანოს ყაზახეთის, რუსეთისა და დსთ-ს სხვა ქვეყნების ძალისხმევა, რომელთაც სურვილი აქვთ, ერთობლივი ძალებით გაუმკლავდნენ მსოფლიო ფინანსური კრიზისის შედეგებს. ერთ-ერთი მთავარი მიმართულება იქნება ანგარიშსწორებისთვის დოლარიდან რუსულ რუბლში გადასვლის საკითხი,"** - განაცხადა ყაზახეთის პრეზიდენტის თანაშემწემ ერმუხამეტ ერტისბაევმა.

რუბლზე გადასვლა არააქტუალურია სუამ-ის წევრი ქვეყნებისა და უზბეკეთისთვის, რომელმაც ცოტა ხნის წინ ევრაზიის ეკონომიკური საბჭო ("ევრაზესი") დატოვა. სამაგიეროდ, ანგარიშსწორებისთვის რუბლზე გადასვლის საკითხის განხილვას ბელარუსის პრეზიდენტი ალექსანდრ ლუკაშენკო 22 დეკემბერს მოსკოვში გეგმავს. ის, რომ ბელარუსში უპირატესობას სწორედ რუსულ ვალუტას ანიჭებენ, გასულ კვირას ქვეყნის პრემიერ-მინისტრმა სერგეი სიდორსკიმაც დაადასტურა.

როგორც რუსეთის სტრატეგიული კვლევების ინსტიტუტის ექსპერტი აჯარ კურტოვი აცხადებს, დსთ-ს ქვეყნების უმრავლესობას თავიანთი ეკონომიკა დივერსიფიცირებული არაა აქვთ და ძირითადად ექსპორტზე არიან დამოკიდებული. ნედლეულზე მოთხოვნა ეცემა, რაც ეროვნულ ვალუტებზეც აისახა.

კრიზისი დსთ-ს ქვეყნებს ინტეგრაციისკენ უბიძგებს, რადგან ბევრ ქვეყანას მთლიან შიდა პროდუქტში უფრო მეტი დანაკარგი აქვს, ვიდრე რუსეთს, მიიჩნევენ მეორე რუსი ეკონომისტი იაროსლავ ლისოვლიკი. მისი თქმით, რუბლი საკმაოდ სტაბილურია არა მარტო თანამეგობრობის ქვეყნების, არამედ სხვა განვითარებადი სახელმწიფოების ვალუტების ფონზეც კი.

აქვე უნდა აღინიშნოს ერთი სენსაციური განცხადებაც, რომელიც ბოროვოეს შეხვედრის წინ ყირგიზეთის პრეზიდენტმა გააკეთა - კურმანბეკ ბაკიევი მანასში ამერიკული სამხედრო ბაზის დახურვას აპირებს. ინტერვიუ, რომელიც ბაკიევმა რუსეთში დარეგისტრირებულ ინტერნეტ-პორტალ "სვობოდანია პრესას"



რუსეთის შეიარაღებული ძალების გენერალური შტაბის ხელმძღვანელ მაკაროვის თქმით, შეერთებულმა შტაბებმა "სამხედრო ბაზებით დახუნძლეს მსოფლიოს ყველა რეგიონი".

მისცა, საკმაოდ ხმაურიანი სათაურით გამოქვეყნდა - **"დროა, აშშ-მ ყირგიზეთი დატოვოს."**

კერძოდ, ყირგიზეთის პრეზიდენტი იხსენებს 2001 წელს, როდესაც ბიშკეკმა ვაშინგტონს მანასის აეროპორტში სამხედრო ბაზის განთავსების უფლება მისცა. **"შე მაშინ პრემიერ-მინისტრი ვიყავი. მასსოვს, დათქმული იყო, რომ ბაზა თალიბებთან ომის დასრულებამდე იარსებებდა. ჩვენ მათ დახმარების ხელს ვაგუნოდეთ,"** - აღნიშნა ბაკიევი.

ავლანეთში შექმნილ მდგომარეობაზე საუბრისას ყირგიზეთის პრეზიდენტმა ყურადღება გაამახვილა იმაზე, რომ **"დღეს ავლანეთს ჰყავს პრეზიდენტი, პარლამენტი და მთავრობა. ჩემი აზრით, დადგადრო, როდესაც მათ შეუძლიათ, თავად დამყარონ წესრიგი ქვეყანაში. ყოველ შემთხვევაში, ყირგიზეთში აშშ-ს ბაზის გაფართოებაზე საუბარიც კი არ შეიძლება იყოს. დიას, ისინი ითხოვდნენ დამატებით ტერიტორიას, მაგრამ ეს საკითხი დახურულია. იმის გამო, რომ ავლანეთში საომარი მოქმედებები აღარ მიმდინარეობს, ვფიქრობ, უკვე შესაძლებელია მანასში მოქმედი სამხედრო ბაზის საქმიანობის შეწყვეტაზე საუბარი."**

ეს განცხადება თავისთავად სენსაციური გახდა იმ ბრალდებების ფონზე, რომელიც ბოროვოეს შეხვედრის წინ რუსეთის შეიარაღებული ძალების გენერალური შტაბის ხელმძღვანელმა მაკაროვმა აშშ-ს მისამართით წამოაყენა. გენერლის თქმით, შეერთებულმა შტაბებმა **"სამხედრო ბაზებით დახუნძლეს მსოფლიოს ყველა რეგიონი"** და **"ახალი სამხედრო ბაზების გასხნას აპირებენ უზბეკეთისა და ყაზახეთის ტერიტორიებზე."**

იმავედროულად, ყირგიზეთის ექსპერტთა წრეებში უკვე აქტიურად მსჯელობენ ქვეყანაში ამერიკული სამხედრო ბაზის არსებობის საკითხზე. სამხედრო ექსპერტმა ლეონიდ ბონდარცმა ბიშკეკის პრესკლუბთან ინტერვიუში განაცხადა: **"თუ ჩვენი პრეზიდენტი რუსეთისა და ჩინეთის ინტერესებს უპასუხებს, ჩვენ ამით მხოლოდ მოგებულნი დავრჩებით. რაც არ უნდა იყოს, ჩვენ გარკვეული ვალდებულებები ავიღეთ ჩვენს თავზე დსთ-სა და კოლექტიური უსაფრთხოების შეთანხმების ორგანიზაციის ფარგლებში და როგორც წესიერი სახელმწიფო, ამ ვალდებულებებს უნდა ვასრულებდეთ."**

განსხვავებული მოსაზრება გააჩნია ყირგიზეთის ყოფილ საგარეო საქმეთა მინისტრ მურატბეკ იმანალიევს. **"არსებობს აზრი, რომ რუსეთისა და ჩინეთის ინტერესებში მანასის ავიაბაზის ლიკვიდაცია შედის, მაგრამ ეს მთლად ასე არ არის,"** - აღნიშნავს იმანალიევი. ექს-მინისტრმა მოიშველია გენერალ მაკაროვის ადრინდელი განცხადება იმის თაობაზე, რომ მანასის ამერიკული ბაზა **"რუსეთის ეროვნულ ინტერესებს არ უწინააღმდეგება რადგან, წმინდად სამხედრო თვალსაზრისით ბაზას არ წარმოადგენს. ის უფრო ზურგის მომარაგების ბაზა გახლავთ."**

**"ავლანეთი ძალიან სერიოზული პრობლემაა, რომელთანაც მთელი ცენტრალური აზიის უსაფრთხოება დაკავშირებულია. ამიტომ, ყირგიზეთის ხელმძღვანელობა კარგად უნდა ხვდებოდეს, რომ ამერიკული ბაზის არსებობა მხოლოდ აშშ-სა და ყირგიზეთის შორის ურთიერთობების ჩარჩოებში არ ჯდება,"** - მიიჩნევს ყოფილი საგარეო საქმეთა მინისტრი.



ლუკაშენკო, ნაზარბაევი და სხვა ლიდერები დსთ-ს სამიტზე რუბლის ზონასთან მიერთების საკითხს განიხილავენ.



# რევოლუ

## რვიდგები ქართული

"საქართველოს ლინგვისტური პროგრესი" - ქართული დიალექტების უნიკალური ბაზა

ნა ვაკა

კახეთში წყაროზე, გურულებთან ყანაში, აჭარის ზღვის სანაპიროზე ან სულაც ფერეიდანში - საუკუნეების წინ სამშობლოდან გადახვეწილი ქართველების ოჯახებში გვესმის ქართული სიტყვები, ფრაზები, ინტონაციები, რომლებიც მეტ-ნაკლებად განსხვავდება ყველასთვის ნაცნობი ლიტერატურული ქართულსგან. ეს ქართული ენის დიალექტებია, რომელთა 17 ნაირსახეობა არსებობს და ყველა მათგანი თვითმყოფადი და ლინგვისტურად მდიდარია. პროექტი, რომლის შესახებაც ქვემოთ მოგიხსენებთ, სწორედ მათი შეკრებას, აღწერას, ერთ მთლიანობაში მოქცევასა და საზოგადოებისთვის უკეთ გაცნობას ემსახურება.

"საქართველოს ლინგვისტური პროგრესი" არნოდ ჩიქობავას ენათმეცნიერების ინსტიტუტის ენობრივ მონაცემთა კომპიუტერული დამუშავების განყოფილების, კერძოდ ფილოლოგიურ მეცნიერებათა კანდიდატ მარინა ბერიძის პროექტია, რომელიც რუსთაველის სამეცნიერო ფონდის მიერ დაფინანსდა. იგი ამ პროექტზე 2004 წლიდან მუშაობს და მისივე თქმით, ამჟამად აღწერილი და ვირტუალურ სამყაროში მონაცემთა ბაზის მხოლოდ ერთი მესამედია განთავსებული. მომავალი წლის დამდეგს კი გაიმართება სპეციალურად ამ პროექტისთვის შექმნილი ინტერნეტ გვერდის პრეზენტაცია იმის ნიშნად, რომ ქართული ენის დიალექტების ბაზა ანუ ლინგვისტური პროგრესი ნებისმიერი მსურველისთვის იქნება ხელმისაწვდომი.

ინტერნეტ გვერდის შესახებ: მიუხედავად იმისა, რომ მასზე მუშაობა ჯერ კიდევ არ დამთავრებულია, შეიძლება ითქვას, რომ უკვე წარმოადგენს უნიკალურ საძიებო სისტემას, რომელიც ხელმისაწვდომს ხდის პროექტის ფარგლებში გათვალისწინებულ ნებისმიერი სახის ინფორმაციას.



ფერეიდანელი ქართველები

ამისთვის კი უმარტივესი საფეხურების გავლა მოგიწევთ. მოვიყვანთ ერთ მაგალითს: ვთქვათ, გვესურს იმერული დიალექტის კონკრეტული ნიშნის მოძიება. ამისთვის სპეციალურ გრაფაში ჯერ ვირჩევთ რეგიონს (იმერეთი, ქვემო იმერეთი და ა.შ.), შემდეგ ვუთითებთ რაიონს, სოფელს, ენას (ქართული) და დიალექტს (იმერული). ამის შემდეგ ვინყებთ ასევე კონკრეტულ პერიოდში გაკეთებული ჩანაწერის ძიებას, რისთვისაც ვუთითებთ მისი ჩანაწერის თარიღს.

აქვე საგულისხმოა, რომ ბაზაში თვითოეული ჩანაწერის შესახებ ზედმიწევნით ამომწურავი ინფორმაცია ინახება. მითითებულია ჩანაწერის, ტექსტის დამუშავების ავტორის ვინაობა და ისიც - მონათხრობი ხელითაა ჩანაწერი თუ ტექნიკის დახმარებით. ამას მოსდევს ალბათ ყველაზე საინტერესო ინფორმაცია - მთქმელის ვინაობა, წარმომავლობა, განათლება, ოჯახური მდგომარეობა, ინფორმაცია მისი ოჯახის წევრებისა და წინაპრების შესახებ. აქვე შეგვძლება გაგოთ, იგი ჩანაწერის დროს

საქართველოში ცხოვრობდა, ნებაყოფლობით იყო ემიგრირებული თუ მასობრივი მიგრაციისას მოხვდა სამშობლოს საზღვრებს მიღმა. ერთი სიტყვით, "საქართველოს ლინგვისტური პროგრესი" არა მხოლოდ დიალექტური ტექსტების კორპუსს წარმოადგენს, არამედ ჩვენი წინაპრების ყოფის ელემენტარული დეტალების გაგებას შეგვიძლია. აქვე ერთ საინტერესო ისტორიასაც გვიამბობთ: ერთ-ერთი ჩანაწერის გაშიფვრისას პროექტზე მომუშავე ინსტიტუტის თანამშრომელმა მოისმინა ამბავი თა-

ვისი ბაბუის შესახებ, რომელიც ახალგაზრდობაში გარდაიცვალა და არა თუ შეილიშვილს, შვილსაც კი არ ახსოვდა. ჩანაწერში ნახსენები იყო მისი სახელი, გვარი და საქმიანობის სფერო, ასევე მისი ცხოვრების ისეთი დეტალები, რომლებიც ოჯახმა არ იცოდა.

მონაცემთა ბაზაში ამჟამად ასობით ჩანაწერია განთავსებული (როგორც წერილობითი, ისე აუდიო ჩანაწერის სახითაც), რაც მთლიანობაში 79 530 სიტყვა-ფორმას შეადგენს. საძიებო სისტემა კი იმგვარადაა აწყობილი, რომ თვითოეული სიტყვის შესახებ ზღვა ინფორმაციას იღებ. მაგალითად, ავიღოთ სიტყვა "აქ". როგორც ცნობილია, ეს სიტყვა ადგილის მისათითებლად გამოიყენება, სხვადასხვა დიალექტში კი ზმნის სახესაც იძენს (ქონა). თუ სისტემას ამ სიტყვის მოძიებას მოსთხოვთ, ის არა მხოლოდ იმ ტექსტებს გადაარჩევს, რომლებშიც ის გამოიყენება, არამედ გვთავაზობს ახსნასაც, რომელ დიალექტში რა სახით გვხვდება.

რაც შეეხება მონათხრობებს, ისინი ბაზაში უანობრივად და თემატურადაა დახარისხებული: ამბავი, პროზა, პოეზია და სხვა ბუნების, კუთხური ქიშპის, ზღაპრების, ომების, სიყვარულის, რიტუალებისა და სხვა კატეგორიებშია გადანაწილებული. ბაზაში შესულია არა მხოლოდ წლების განმავლობაში ენათმეცნიერების მიერ დაგროვილი, არამედ სპეციალურად ამ პროექტის ფარგლებში მოწყობილი ექსპედიციებისას ჩანაწერი მასალაც. მარინა ბერიძის თაოსნობით პროექტის მონაწილე მეცნიერებმა უკვე მოიარეს გურია, აჭარა, იმერეთი, მესხეთი, კახეთი და ხევსურეთი. ასევე იყვნენ ფერეიდანშიც, საიდანაც უნიკალური ჩანაწერები ჩამოიტანეს - სწორედ იმ ქართველების მონათხრობები, რომლებსაც თავიანთი ისტორიული სამშობლო თვლითაც არ უნახავთ, მაგრამ მათ მესხიერებს ჯერ კიდევ ახსოვს წინაპრების მიერ მოთხრობილი ქართული ისტორიები და ქართული სიტყვები...

## Screen Actors Guild დაჯილდოება

ბრიტანელი მსახიობი ქეთი უინსლეტი 2009 წლის Screen Actors Guild-ის დაჯილდოების ორ ნომინაციაზეა წარდგენილი. 33 წლის მსახიობი ფილმში "რევოლუციური გზა" საუკეთესო როლის შესრულებისთვის წარადგინეს, ხოლო მეორე ნომინაცია მეორეხარისხოვანი როლის საუკეთესოდ შესრულებისთვის ერგო ფილმში "მკითხველი", რომელიც ომის შემდგომ პერიოდს ასახავს.

ხუთგზის "ოსკარის" ნომინანტი მსახიობი ქეთი უინსლეტი, გასულ კვირას "ოქროს გლობუსის" ნომინაციებშიც ამავე ფილმებით წარადგინეს. აღსანიშნავია, რომ მსახიობი ამ ფილმებში შესრულებული როლისთვის ლონდონის კინოკრიტიკოსთა ნომინანტიც იყო. ფილმში "რევოლუციური გზა" ქეთი უინსლეტი მსახიობ ლეონარდო დი კაპრიოსთან ერთად თამაშობს. საინტერესოა ის ფაქტი, რომ ამ ფილმისთვის ისინი "ოქროს გლობუსის" ნომინან-

ტები გახდნენ, მაგრამ დი კაპრიოს სამწუხაროდ SAG-ის დაჯილდოებაზე საუკეთესო მსახიობის ნომინაცია არ ერგო. მსგავსი შემთხვევა 1997 წელსაც მოხდა, როცა "ტიტანიკში" შესრულებული როლებისთვის "ოქროს გლობუსის" ნომინაციასთან ერთად, ქეთი უინსლეტი SAG-ის ნომინანტიც გახდა, ლეონარდო დი კაპრიო კი ამ დაჯილდოების მიღმა აღმოჩნდა.

Screen Actors Guild დაჯილდოებაზე საუკეთესო მსახიობის ჯილდოს მოსაპოვებლად ქეთი უინსლეტს კონკურენციას გაუწევინებს მსახიობები მერილ სტრიპი (Doubt), ანჯელინა ჯოლი (Changeling's) და ნაკლებად ცნობილი მსახიობი მელისა ლეო (Frozen River). მეორეხარისხოვანი როლის საუკეთესოდ შესრულებისთვის ქეთი უინსლეტთან ერთად წარდგენილი არიან მსახიობები ემი ადამსი, ვიოლა დევისი და პენელოპა კრუზი.



დენი ბოლის ფილმი "Slumdog Millionaire" ერთ-ერთია ხუთ კანდიდატს შორის, რომელიც საუკეთესო ფილმის პრიზისთვის იბრძოლებს. წლებადღეს SAG-ზე 5 ნომინაციით ფილმი "ექვსი" ლიდერობს, მას სამსამი ნომინაციით მოყვებიან ფილმები "მილიკი" და "ბენჯამინ ბატონის საოცარი საქმე".

მამაკაცის საუკეთესო როლის შესრულებისთვის წარდგენილი არიან ბრედ პიტი ფილმში "ბენჯამინ ბატონის საოცარი საქმე", შონ პენი ფილმში "მილიკი", ფრანკ ლანჯელა ფილმში "ფროსტი/ნიქსონი" და მიკი რურკი ფილმში "მოჭიდავე".

Screen Actors Guild დაჯილდოება ასევე მოიცავს ნომინაციას მამაკაცის საუკეთესოდ განსახიერებისთვის სატელევიზიო ფილმებში და მინისტერიალში, რომლის კანდიდატებიც არიან მსახიობები რალფ ფაენსი და ტომ უილკინსონი.

დაჯილდოების ოფიციალური ცერემონია 25 იანვარს გაიმართება.



# ქართული დამწერლობა - ბასაბები ყველასთვის

მეცნიერებათა ეროვნული აკადემიისა და ქართული ენციკლოპედიის ახალი გამოცემა

## სოფო კილასონია


ქართულმა საგამომცემლო საქმემ გუშინ კიდევ ერთი წარმატებული პროექტი დაასრულა. "თიბისი" ბანკის საგამომცემლო დარბაზში საზოგადოებას ერთი პატარა და მაინც უნიკალური წიგნის არსებობა ამცნეს. "ქართული დამწერლობა" - ქართული ენციკლოპედიის, მეცნიერებათა ეროვნული აკადემიისა და ხელნაწერთა ინსტიტუტის ძალთა გაერთიანებით შექმნილი და გამოიცა.

2008 წლიდან ქართული ენციკლოპედიის ირაკლი აბაშიძის სახელობის მთავარი რედაქცია საქართველოს მეცნიერებათა ეროვნული აკადემიის ერთ-ერთი ერთეული გახდა. ამ თანამშრომლობის შედეგად სახეზეა ორი მეტად საინტერესო და მნიშვნელოვანი გამოცემა. პირველი - "ქართული ენა" ლეულა ქობულაძის ავტორობით. მის შესახებ ჩვენი გაზეთის ფურცლებიდან და სხვა საინფორმაციო წყაროებიდან მკითხველს ალბათ მოეხსენება. და მეორე - "ქართული დამწერლობა", რომლის ავტორიცაა მეცნიერი, ხელოვნებათმცოდნე, ხელნაწერთა ინსტიტუტის თანამშრომელი ქალბატონი ელენე მაჭავარიანი.

"ქართული დამწერლობა" პირველისგან განსხვავებით, ბევრად პოპულარულ ენაზეა დაწერილი. პრეზენტაციაზე ბატონმა ზურაბ აბაშიძემ ისიც განაცხადა, რომ ეს ნივთი მოზარდათვისაც საინტერესოა, გასაგები იქნება და მას ამაში აუცილებლად ვეთანხმებით მას შემდეგ, რაც პირველი გვერდები წავიკითხეთ.

მიუხედავად იმისა, რომ ავტორი ამომწურავად გვაცნობს ქართული დამწერლობის ისტორიას, წარმომავლობის საკითხებს, სხვადასხვა მეცნიერის მოსაზრებებს, ასომთავრულის, ნუსხურის, მხედრულის ჩამოყალიბების გზასა და საერთო თუ განმასხვავებელ ნიშნებს, ამ ყველაფერს ისე ახერხებს რომ რიგითი, მოუზმადებელი მკითხველი დეტალურად და წვრილმანებში არ იკარგება. ნივთი რომელიც გამოცემლობამ "არტეკ" გამოსცა, თურმე ჩანაფიქრად დარჩებოდა, რომ არა მეცნიერებათა ეროვნული აკადემიისა და პირადად ბატონი თამაზ გამყრელიძის ინიციატივა, დახმარება...

**ზურაბ აბაშიძე:** "მას შემდეგ, რაც თამაზ გამყრელიძემ გამოიჩინა კეთილი ნება დახმარებოდა ენციკლოპედიის მთავარ რედაქციას, ჩვენ ერთობლივად გამოვეცით ორი მნიშვნელოვანი ნივთი. აკადემია დაგვეხმარა ყველანაირად. შენობაში ერთი სართულიც კი დაგვითმო. ამ ნივთზე (იგ. "ქართული ენა" და "ქართული დამწერლობა")



წლების განმავლობაში ვფიქრობდით და ვშეშობდით, მაგრამ მათი გამოცემა მხოლოდ ახლა მოხერხდა. პირველის გამოცემაში დიდი წვლილი შეიტანა "თიბისი" ბანკმა, ასევე მადლობას ვუხდით ბატონ თემურ ჭიჭინაძეს. რაც შეეხება "ქართული დამწერლობა", ფინანსური მხარდაჭერა გავეცინა "ჯეოსელმა", მაგრამ აქვე უნდა აღვნიშნო ისიც, რომ ჯგუფი "ქართუ" ჩვენი ერთგული პარტნიორია."

ქალბატონი ელენე მაჭავარიანი ნივთის პრეზენტაციაზე იკონებდა, რომ ღმერთების ენა, ენა იბერის მისთვის სათაყვანებელი მას შემდეგ გახდა, რაც ცხოვრების გზაზე რენე შმერლინგსა და ილია აბულაძეს შეხვდა. რენე შმერლინგმა მას ქართული ანბანი როგორც მონატურა, გრაფიკული არტეფაქტი ისე დაანახა, ხოლო ილია აბულაძემ დამწერლობის არსსა და ისტორიის ნიადაგი ჩაახსნა. აქვე უნდა აღვნიშნო მეტად მნიშვნელოვანი საკითხი. ელენე მაჭავარიანს ეკუთვნის ახალი გამოცემის არა მხოლოდ ტექსტი, არამედ ყველა გრაფიკული ნამუშევარი, მაგალითებად მოტანილი დამწერლობის სურათები და მორთულობანი.

ახალი გამოცემა ინფორმაციასა და ცოდნას მკითხველს მხოლოდ ტექსტებით როდი გადასცემს. ნივთი საინტერესოა ვიზუალური ნიშნითაც. აქ წარმოდგენილია ხელნაწერთა ინსტიტუტში დაცული ხელნაწერები, მინიატურები, სხვადასხვა ნიმუშები.

მას შემდეგ, რაც ქართული ენციკლოპედიის ხელმძღვანელად ბატონი ზურაბ აბაშიძე დაინიშნა, სრულად უმტკივნეულო შიდა ცვლილებების ფონზე მოხერხდა ამ ინსტიტუტის "გაცოცხლება". დღეს ქართული ენციკლოპედია გაერთიანება, რომელიც ინტელექტუალურ შესაძლებლობათა მომართვას ცდილობს იმ პროდუქციის შესაქმნელად, რომელიც ჰაერით სჭირდება ეროვნულ კულტურას და რომელსაც არ შექმნის არც ერთი კერძო გამომცემლობა თუ ინსტიტუტი, რომელიც კომერციული პროექტებით საზრდოებს და სხვათაშორის, რომლებსაც ბევრად მეტი მხარდაჭერა აქვს სახელმწიფოს მხრიდან. ალბათ ამასვე ემსახურება გეოგრაფიკული სახელობის კვლევის ცენტრი, რომლის ახალ გამოცემებზეც რამდენიმე დღის წინ ვისაუბრეთ და საერთოდ, ეროვნულ მეცნიერებათა აკადემია, რომლის ინტელექტუალურ ბაზას ეფუძნება როგორც ერთი, ისე მეორე ზემოთ აღნიშნული ინსტიტუტისა და რომელიც, რაც არ უნდა საოცარი იყოს, სულ უახლოეს წარსულში "ახალ" საქართველოში გადარჩენისთვის, არსებობისთვის იბრძოდა.

# თოჭინაზის მუზეუმში სიახლეა

## ეკა ჩიქვინიძე

თინათინ თუმანიშვილის სახელობის თბილისის თოჯინების მუზეუმში სუვენირების სალონი გაიხსნა. სალონის გახსნის იდეა დიდი ხანია არსებობდა და მრავალმხრივი მცდელობის შემდეგ მისი დაარსებაც მოხერხდა. მუზეუმის ხელმძღვანელობის მეშვეობით პროფესიონალი მეთოჯინეების შეკრება მოხდა, რომელთა მიერ შექმნილი ნამუშევრები გუშინ, სალონის გახსნაზე გამართულ გამოფენა-გაყიდვაზე იყო წარმოდგენილი. გამოფენილი იყო საახალწლო თემაზე შექმნილი თანამედროვე ქართველი მეთოჯინეების სუვენირული და მხატვრული თოჯინები, ცნობილი ოსტატების მიერ ნატურალურ აბრეშუმზე შესრულებული უნატიფესი მხატვრული ტექსტილი, გამოყენებითი, ფორმ და დეკორატიული ხელოვნების სხვა ნიმუშები. წარმოდგენილი იყო ასევე, მუზეუმის ახლად გახსნილ სახელისნომში გაკეთებული ტიხრული მინანქრის ულამაზესი ნაკეთობები. თოჯინების მუზეუმში შესაძლებელია მყიდველის სურვილის მიხედ-

ვით ნებისმიერი საიუველირო ნივთის თუ ნაკეთობის დამზადება, ტარდება ტიხრული მინანქრის ხელოვნების გაკვეთილები, რომლის კურსის დამთავრების შემდეგაც გიცემთ სერტიფიკატი. მუზეუმის ორგანიზებით ტარდება ასევე ხელოვნების გაკვეთილები, რომელსაც სპეციალურად მოწვეული მხატვარი გიორგი ჯაფარიძე ატარებს. მისი მეტოფი ხელოვნების თერაპიის საფუძველზე დაფუძნებული და ითვალისწინებს ნებისმიერი ასაკის, ხასიათისა და ტემპერამენტის ბავშვისა და მოზარდის ინდივიდუალობას. სწავლება აგებულია როგორც ფერით, ასევე მოცულობით სავარჯიშოებზე (ძერწვა ნატურალური თიხით), ხელოვნების ისტორიის ნიმუშების პრაქტიკული სავარჯიშოების მეშვეობით განხილვის მეთოდზე. პრობლემური ჯანმრთელობის მქონე ბავშვებისთვის გათვალისწინებულია სპეციალური თერაპიული კურსი, რომლის დროსაც გამოიყენება ბუნებრივი მასალები, როგორცაა ხე, ქვა და ა.შ. თოჯინების თეატრი ორი საათის განმავლობაში დამთავრებული თოჯინების ჯადოსნურ სამყაროში მოგზაურობასაც სთავაზობს. წინასწარ შემუშავებული სა-

ინტერესო, აქტიური და მრავალფეროვანი პროგრამა საშუალებას იძლევა, დამთავრებულ მუზეუმში დაცული ექსპონატებისა და ზოგადად თოჯინის ისტორია გავაცნოს, ამის შემდეგ მსურველებს საშუალება ეძლევათ თავად შექმნან ოცნების თოჯინა. თოჯინების მუზეუმის სალონში წარმოდგენილი ნამუშევრებს ნელ-ნელა ახალი ნაკეთობები დაემატება და მათი გაყიდვიდან შემოსული თანხა, მუზეუმის რესტავრაციასა და ახალი ექსპონატების შექმნას მოხმარდება. "ჩვენი მუზეუმის ნებისმიერ დამთავრებულს შეეძლება, შემოვიდეს სამხატვრო სალონში, დაათვალიეროს ჩვენთან წარმოდგენილი ნიმუშები და სურვილის შემთხვევაში შეიძინოს ხელნაკეთი ნიმუში. სამხატვრო სალონიდან შემოსული თანხა თოჯინების მუზეუმის განვითარებისათვის დაიხარჯება" - განაცხადა თბილისის თოჯინების მუზეუმის დირექტორმა ნანა ოქრუაშვილმა. მუზეუმს ამჟამად ბევრი სიახლე აქვს, მის საგამოფენო დარბაზში იმართება გამოფენა, სახელწოდებით - "მსოფლიო პეპლები", სადაც მსოფლიოს სხვადასხვა ქვეყნიდან შეგროვებული პეპლები და ქვენარმავლებია

წარმოდგენილი. მუზეუმმა ახალი ექსპოზიცია შეიქმნა, რომლის ხილვის საშუალებაც მსურველებს მუზეუმში არსებულ ჯადოსნური თოჯინების სამყაროში შეუძლიათ. "მას შემდეგ, რაც გაგვექმნა და მუზეუმიდან უამრავი ექსპონატი დაიკარგა, ძალიან მიხარია, რომ გავფართოვდით და გვაქვს საშუალება იმისა, რომ სალონიც გავხსნათ და კიდევ ბევრი ახალი იდეა განვახორციელოთ", - მუზეუმის მხატვარი დალი ჭუბაბია. თბილისის თოჯინების მუზეუმი 1937 წელს საბავშვო მწერლისა და პედაგოგის თინათინ თუმანიშვილის თაოსნობით დაარსდა. მუზეუმს საფუძვლად დაედო მისი დამფუძნებლის თოჯინებისა და სათამაშოების კოლექცია, ბიბლიოთეკა და საგვარეულო ნივთები, რომელიც სახელმწიფოს მან უსასყიდლოდ გადასცა. წლების განმავლობაში მუზეუმის ფონდებში თავი მოიყარა 2000-ზე მეტმა უნიკალურმა ექსპონატმა: ქართულმა ხალხურმა და მხატვრულმა დედოფალამ, სათამაშომ, მოძრავ-მუსიკალურმა ექსპონატმა: ქართულმა ხალხურმა სათამაშოებმა, ლიტერატურული პერსონაჟების მიხედვით შექმნილი თოჯინებმა და ა.შ.



| 20 დეკემბერი   |   |
|----------------|---|
| <b>თეატრი</b>  | <p><b>შოთა რუსთაველის სახელობის თეატრი</b><br/>ბათუმის თეატრის გასტროლი<br/>"ორი ბატონის მსახური"<br/>დასაწყისი: 19.00</p> <p><b>კოტე მარჯანიშვილის სახელობის თეატრი</b><br/>"თოლია"<br/>რეჟისორი მიხეილ კოზაკოვი<br/>დასაწყისი: 19.00</p> <p><b>თეატრი სხვენში</b><br/>თითების თეატრის დასი<br/>"კედელი"<br/>დასაწყისი: 20.00</p> <p><b>მიხეილ თუმანიშვილის სახელობის თეატრი</b><br/>"ჰარალეთი, ჰარალეთი"<br/>დასაწყისი: 19.00</p> <p><b>თეატრალური სარდაფი რუსთაველზე</b><br/>"ლიფტიორი"<br/>რეჟისორი ლევან ნულაძე<br/>დასაწყისი: 20.00</p> <p><b>მუსიკისა და დრამის თეატრი</b><br/>"მერი პოპინსი"<br/>რეჟისორი დავით დოიაშვილი<br/>დასაწყისი: 19.00</p> <p><b>თავისუფალი თეატრი</b><br/>"5 დღე უმუშევარი მსახიობების ცხოვრებიდან"<br/>დასაწყისი: 19.00</p> <p><b>თეატრი ათონელზე</b><br/>"დარბაზს მიღმა გაზაფხულია"<br/>დასაწყისი: 19.00</p> <p><b>თეატრი ათონელზე</b><br/>"ფიფქა"<br/>ასაწყისი: 19.00</p> |
| <b>კინო</b>    | <p><b>"რუსთაველი"</b><br/>"დღე, როცა დედამინა გაჩერდა"<br/>დასაწყისი: 12.00; 14.00; 16.00; 18.00; 20.00; 22.00<br/>"ჯეიმს ბონდი: შეწყალვის კვანტუმი"<br/>დასაწყისი: 12.30; 15.15; 17.45; 19.45; 21.45<br/>"მძევალი"<br/>დასაწყისი: 12.15; 14.14; 16.15; 18.15; 20.15; 22.15<br/>"მედიატორი"<br/>დასაწყისი: 12.15; 14.15; 16.15<br/>"იდიოტოკრატია"<br/>დასაწყისი: 15.00; 19.00; 21.00<br/>"ქართული იდეა"<br/>დასაწყისი: 12.00; 13.00<br/>"მაქს ჰინი"<br/>დასაწყისი: 17.00<br/>"უოლი"<br/>დასაწყისი: 13.00; 15.00; 17.00; 19.00; 21.00</p> <p><b>"ამირანი"</b><br/>"დღე, როცა დედამინა გაჩერდა"<br/>დასაწყისი: 13.00; 15.00; 17.00; 19.00; 21.00<br/>"მედიატორი"<br/>დასაწყისი: 16.00; 22.00<br/>"ნაკითხე და განადგურე"<br/>დასაწყისი: 20.00<br/>"უოლი"<br/>დასაწყისი: 12.00; 14.00 18.00</p>   |
| <b>გალერეა</b> | <p><b>"ქარვასლა"</b><br/>ჰორსტ იანსენი - გრაფიკა<br/>მაიკლ კენას ფოტოგრაფია - "ფრანგული პეიზაჟი"</p> <p><b>N გალერეა</b><br/>საშობაო გამოფენა: სანდრო ანთაძე, მაკა ბატიაშვილი, თიკა ჩხიკვიშვილი, გიორგი აბუაშვილი, ანტონ ბალანჩივაძე და ქეთევან დავლიანიძე</p> <p><b>"ჰობი"</b><br/>"იუბილარები" - საშობაო გამოფენა, ფერწერა</p> <p><b>"ვერნისაჟი"</b><br/>თანამედროვე ქართველი მხატვრების შერეული გამოფენა</p> <p><b>"შარდენი"</b><br/>თანამედროვე ტიხრული მინანქრის გამოფენა სამკაული, მინიატურა, ხატი,</p> <p><b>"ორნამენტი"</b><br/>ტიხრული მინანქრის მუდმივმოქმედი გამოფენა</p> <p><b>"აკადემია +"</b><br/>მხატვრული მინის გამოფენა</p>  |



# სპორტი

## მოურინიოს ქაცხაიას ცოდვა უნია

ის, რომ გუშინ, ჩემპიონთა ლიგისა და უეფას თასის გათამაშების პლეი-ოფის ნილისყრის დროს, ჩვენ არ ველოდით, თუ ვის არგუნებდა ბედად ნილისყრა კვიპროსულ "ანორთოსისს" და თემურ ქეცხაიას, მეტწილად ყოფილი მოურინიოსა და მისი "ინტერის" დამსახურებაა.

"ანორთოსისმა" ჯგუფური ეტაპზე კარგად ითამაშა და მხოლოდ იმაში არ გაუმართლა, რომ "ინტერს" ადრე შეხვდა და არა ჯგუფური ეტაპის ბოლო მატჩებში, რომლებზეც მოურინიომ რატომღაც ხელი ჩაიქნია. შეგახსენებთ, რომ "ნერაძურიმ" პლეი-ოფში თამაშის უფლება ჯგუფური ტურნირის დასრულებამდე ორი ტურით ადრე გაინაღდა და ბოლო ორი მატჩი აშკარად "ჩაუშვა". მოურინიომ თქვა: ჩემთვის მნიშვნელობა არა აქვს, ჯგუფში პირველ ადგილზე გავალ თუ მეორეზე და ჯერ "სან სიროზე", "პანათინაიკოსთან" ნააგო, შემდეგ კი - ბრემენში, "ვერდერთან" და მოკრძალებული კვიპროსული გუნდი ევროპულ ტურნირებს მიღმა დატოვა.

გუშინ გაიმართა ჩემპიონთა ლიგის პლეი-ოფის ნილისყრა. "ინტერის" ჯგუფში პირველ ადგილზე გასულ "პანათინაიკოსს" "ვილიარეალთან" მოუწევს თამაში, "ინტერი" კი "მანჩესტერს" დაუპირისპირდება. ფერგიუსონის გუნდმა სწორედ "ვილიარეალი" დატოვა ჯგუფში მეორე ადგილზე. ვფიქრობთ, განსხვავება თვალშისაცემია და ვისთან სჯობს პლეი-ოფის ამ ეტაპზე თამაში, გულშემატკივარმა კარგად იცის. ასეა თუ ისე, ყოფილი მოურინიოს "ინტერი" "მანჩესტერს" ხვდება. თანაც მანკუნია-ნელეს განმეორებითი მატჩი "ოლდ ტრაფორდზე" აქვთ გასამართი, რაც მათ მცირე უპირა-



ჩემპიონთა ლიგაზე გუნდები დაწყვილდნენ

ტესობასაც აძლევს.

"ინტერისა" და "მანჩესტერის" წყვილი ყველაზე დიდ ინტერესს იწვევს, თუმცა არანაკლებ დაძაბული უნდა იყოს "იუვენტუსისა" და "ჩელსის" შეხვედრაც. ბოლოს და ბოლოს, "არისტოკრატული" კლუბიდან გამოგდებული კლავდიო რანიერი ახლა ხომ "ბუბერ ქალბატონს" უდგას სათავეში.

გამორჩეული იქნება "რეალისა" და "ლივერპულის" მატჩიც. ფრანგულ "ლიონს" "ბარსელონასთან" მოუწევს გამოცდის ჩაბარება. ჩემპიონთა ლიგის ფინალზე მეოცნებე "რომა" არსენ ვენგერის "არსენალს" უპირისპირდება. ამ ხუთი წყვილის ფონზე ჩრდილში მოექცევა "ატლეთიკო" - "პორტოს", "სპორტივინგო" - "ბაიერნისა" და "პანათინაიკოს" - "ვილიარეალის" თამაშები.

**ჩემპიონთა ლიგა. პლეი-ოფის პირველი წრე**  
ჩელსი - იუვენტუსი  
ვილიარეალი - პანათინაიკოსი

სპორტივინგო - ბაიერნი  
ატლეთიკო - პორტო  
ლიონი - ბარსელონა  
რეალი - ლივერპული  
არსენალი - რომა  
ინტერი - მანჩესტერი  
**პირველი მატჩები**  
**გამართება 24-25 თებერვალს,**  
**განმეორებითი - 10-11 მარტს**  
გუშინვე გაიმართა უეფას თასის გათამაშების პლეი-ოფის პირველი და მეორე რაუნდების ნილისყრაც

**პირველი რაუნდი**  
1. პსჟ - ვოლფსბურგი  
2. კოპენჰაგენი - სიტვი  
3. ნაიმეგენი - ჰამბურგი  
4. სამპდორია - მეტალისტი  
5. ბრაგა - სტანდარდი  
6. ასტონ ვილა - ცესკა  
7. ლეხი - უდინეზე  
8. ოლიმპიაკოსი - სტ.ეტიენი  
9. ფორენტინა - აიაქსი  
10. ოლბორგი - დეპორტივო  
11. ვერდერი - მილანი  
12. ბორდო - გალათასარაი  
13. დინამო - ვალენსია  
14. ზენიტი - შტუტგარტი

15. მარსელი - ტვენტე  
16. შახტარი - ტოტენჰემი  
**პირველი მატჩები**  
**გამართება 18-19 თებერვალს,**  
**განმეორებითი - 26 თებერვალს**  
**მეორე რაუნდი**  
მე-11 წყვილის გამარჯვებული - მე-8 წყვილის გამარჯვებული  
მე-11 წყვილის გამარჯვებული - მე-8 წყვილის გამარჯვებული  
მე-11 წყვილის გამარჯვებული - მე-8 წყვილის გამარჯვებული

მე-6 წყვილის გამარჯვებული - მე-16 წყვილის გამარჯვებული  
მე-7 წყვილის გამარჯვებული - მე-14 წყვილის გამარჯვებული  
პირველი წყვილის გამარჯვებული - მე-5 წყვილის გამარჯვებული  
მე-13 წყვილის გამარჯვებული - მე-4 წყვილის გამარჯვებული  
მე-2 წყვილის გამარჯვებული - მე-10 წყვილის გამარჯვებული  
მე-15 წყვილის გამარჯვებული - მე-9 წყვილის გამარჯვებული  
მე-3 წყვილის გამარჯვებული - მე-12 წყვილის გამარჯვებული  
**პირველი მატჩები გამართება 12 მარტს, განმეორებითი - 18-19 მარტს**

### ტურის ცენტრალური მატჩი გადაიდო

საქართველოს XX ეროვნული ჩემპიონატის XVI ტურის ცენტრალური მატჩი თბილისის "დინამოსა" და ზესტაფონის "ზესტაფონს" შორის, რომელიც დღეს ბორის პაიჭაძის სახელობის ეროვნულ სტადიონზე უნდა ჩატარებულიყო, სათამაშო მინდორზე დიდთოვლობის გამო აღარ გაიმართება. როგორც პროფესიული ფეხბურთის ლიგის განცხადებაშია ნათქვამი, ეროვნული სტადიონის საფარი პროფესიული ფეხბურთის ლიგის გენერალურმა მდივანმა პაატა ბურჯალიანმა და ლიგის საშეჯიბრო სამსახურის უფროსმა ნოდარ კაკულიამ მოინახულეს. მათ ჩათვალეს, რომ ამ საფარზე მატჩის გამართვა შეუძლებელია.

"თოვლის საფარის სიმაღლე 15-16 სანტიმეტრია, ამასთან, საფარის ძირი მოყინულია, რაც შეუძლებელს ხდის მის განმენდას. ამინდის პროგნოზის მიხედვით, 20 დეკემბერს მოსალოდნელია თოვლი. ეს კი მატჩის გამართვას შეუძლებელს ხდის", - ნათქვამია განცხადებაში. "დინამო"-ს ზესტაფონის მატჩის ზუსტი თარიღი მოგვიანებით გახდება ცნობილი.

### შერმადინის ევროლიგური დებიუტი

საბერძნეთის საკალათბურთო ჩემპიონატში დებიუტის შემდეგ ათენის "პანათინაიკოსის" ქართველი ცენტრი გიორგი შერმადინი ევროლიგის გათამაშებაშიც გამოჩნდა. 19 წლის შერმადინმა ფრანგულ "ნანსისთან" მოგებულ (83:69) მატჩში 10 წუთს ითამაშა და მასპინძლებს 1 ქულა, 1 მოხსნა, 1 ჩაჭრა და 1 დაფარება შეანია. ქართველი კალათბურთელი თამაშში პირველივე მეოთხედის დასრულება და 2 საჯარიმოდან 1 გამოიყენა, თუმცა, 3 ორქულიანიდან და 1 სამქულიანიდან ყველა ააცილა.

ათენელთა რიგებში საუკეთესო პერპეროდულუმ 16 ქულა და 8 მოხსნა მიითვალა, ცარცარისმა კი 11 ქულას 7 მოხსნა წაამატა. "პანათინაიკოსს" 8-დან 6 მატჩი აქვს მოგებული და B ჯგუფში მე-3 ადგილზეა. ბერძნულ კლუბს შემდეგ ეტაპზე გასვლა განადგობული აქვს. მომავალი წლის 8 იანვარს შერმადინის გუნდი იტალიურ "სიენას" ესტუმრება.

### ქართულმა დუეტმა "ანჟი" დატოვა

მახაჩყალის "ანჟი" ქართველმა ლეგიონერებმა - ფორვარდმა მიხეილ აშვეთიამ და მცველმა ვალერი აბრამიძემ დატოვეს, ხოლო კლუბის ხელმძღვანელობამ თავდამსხმელი რეგავ ბარაბაძე ტრანსფერზე დააყენა. აშვეთიას და აბრამიძეს კლუბთან კონტრაქტები დაუმთავრდა და მახაჩყალაში დარჩენა აღარ ისურვეს. ჯერჯერობით უცნობია, სად განაგრძობენ ისინი კარიერას.

რაც შეეხება ბარაბაძეს, ის გუნდის ძირითად შემადგენლობაში ვერ ხვდებოდა და "ანჟის" თავკაცებმა მასზე უარი თქვეს. გასულ სეზონში დაღესტნურ კლუბში მოასპარეზე ქართველებთან შემადგენლობაში დარჩნენ გოჩა ხოჯავა, გიორგი ნავალოვსკი, რევაზ ჯიქია და ზურაბ არზიანი. მომავალი ჩემპიონატის დაწყებამდე მათ დაემატება ედიკ საჯაია, ოთარ მარცვალიაძე და კახა ალადაშვილი.

### ხიზანიშვილი ელერდაისის დანიშნას გამოეხმაურა

"ბლექბერნის" ქართველი მცველი ზურაბ ხიზანიშვილი გუნდის მთავარი მწვრთნელის პოსტზე პოლ ინსის სემ ელერდაისით ჩანაცვლებას ბრიტანულ პრესაში გამოეხმაურა. "ინსის გათავისუფლებამ გული დამწყვიტა, თუმცა, კლუბის ხელმძღვანელობისაც მესმის. როდესაც გუნდი 17 მატჩიდან მხოლოდ სამს მოიგებს, ცხადია, ცვლილებების დროა. "ბლექბერნში" პრემიერლიგიდან გავარდნაზე არავინ ფიქრობს. წინ კიდევ 21 მატჩი გველის და იმ კონტინგენტით, რომელიც "როვერსშია" შეკრებილი, მიზანს უნდა მივაღწიოთ". ხიზანიშვილმა ელერდაისის სამწვრთნელო შტაბში თურქი თუგაის შესაძლო გამოჩენაზეც ისაუბრა და მეგობარს თბილი სიტყვები შეანია.

"თუგაის დაბრუნება ჩვენს კლუბში ნებისმიერ რანგში გამიხარდება. მის სამსახურს ყველა გუნდი ისურვებდა. თუგაი არა მხოლოდ ჩინებული ფეხბურთელი, არამედ ბრწყინვალე პიროვნებაცაა", - აღნიშნა ქართველმა მცველმა. სემ ელერდაისი ბლექბერნელთა განვრთნას მას შემდეგ დათანხმდა, რაც კლუბისგან მყარი პირობა მიიღო, რომ "როვერსის" ნამყვანი ფეხბურთელი არ გაიყიდებინა. ამ შემთხვევაში, ძირითადად, საუბარია პარაგვაელ როკე სანრა კრუზზე, რომლის სანაცვლოდ გამდიდრებული "მანჩესტერ სიტი" 20 მილიონ გირვანქას იხდოდა.

თავად ელერდაისი სამწვრთნელი კონტრაქტის განმავლობაში 6 მილიონამდე გირვანქას მიიღებს.

## კარატაის ლეგენდა თბილისის ესტუმრა

საქართველოს კიდევ ერთხელ ეწვია მსოფლიოს შოტოკან კარატე-დოს ფედერაციის შეფ-ინსტრუქტორი, შვიდგზის მსოფლიო ჩემპიონი, მერვე დანის მფლობელი, თანამედროვე კარატეს ლეგენდა და XXI საუკუნის ლიდერი სპორტის ამ სახეობაში სენსეი ჰიტოში კასუია. 15, 16, 17 დეკემბერს დიდოსტატმა კასუიამ თბილისში გამართა საერთაშორისო სემინარები და ატესტაციები, რომლებსაც, საქართველოს გარდა, აზერბაიჯანისა და სომხეთის კარატეს ხელმძღვანელები და მაღალი რანგის ოსტატები ესწრებოდნენ.

"წლებადღეი წელი საქართველოს კარატესთვის წარმატებული იყო. საამაყით გეტყ-

ვით, რომ თქვენს ქვეყანაში კარატე ასეთი პოპულარული და წარმატებულია, რაც სპორტის დეპარტამენტის თავმჯდომარის ბატონ დავით ნამგალაურისა და კარატეს ეროვნული ფედერაციის პრეზიდენტის სენსეი კახა ბასილიას დიდი დამსახურებაა. როგორც სხვა წლებში, ისე წლეულსაც, ქართველი კარატისტები საუკეთესო ფორმაში იყვნენ და ეს დაამტკიცეს კიდევ სემინარებსა და გამოცდაზე. დარწმუნებული ვარ, თქვენი სპორტსმენები ტრადიციულ საერთაშორისო ტურნირზე - კავკასია 2008-ზე ისევ ისახელებენ თავს და მსოფლიოში ერთ-ერთ პოპულარულ თასს, რომელიც მხოლოდ საქართველოში თამაშდე-

ბა და მსოფლიო კარატეს კალენდარში ოფიციალურადაა მითითებული, ისევ თბილისში დატოვებენ", - განაცხადა "სპორტ-კაფეში" გამართულ პრესკონფერენციაზე ჰიტოში კასუიამ.

საქართველოს კარატე-დოს ეროვნული ფედერაციის პრეზიდენტმა კახა ბასილიამ კავკასიის თასზე რუსების ჩამოსვლაც არ გამოიცილა: "ასეთი მაღალი დონის სემინარებისა და ატესტაციების გამართვისთვის დიდ მადლობას ვუხდით სპორტის დეპარტამენტს და მის თავმჯდომარეს დავით ნამგალაურს. მასთან ერთად ქართული კარატეს განვითარებისთვის არაერთი ღონისძიება გვაქვს გამართული და შედეგები ყო-

ველწიურად მაღალდება. არც წელს გვინდა ვულვალათო ტრადიციას და კავკასიის საერთაშორისო თასი გათამაშება, რომელიც 21 დეკემბერს ჩატარდება, ისევ საქართველოს გამარჯვებით უნდა დამთავრდეს. ჩემპიონატზე ჩამოვლენ აზერბაიჯანის, თურქეთის, სომხეთისა და უკრაინის გუნდები. შესაძლოა, გვესტუმროს რუსეთის ნაკრებიც, რომელსაც თასის მოგების თეორიული შანსიც კი არა აქვს, რაც ჩვენ არაერთხელ დავამტკიცეთ მსოფლიო ჩემპიონატებზე. ქართული კარატეს ნაკრების იმედი ამჯერადაც ნაქვს - თასს სტუმრებს არ გავატანთ და ჩვენს გულშემატკივრებს კიდევ ერთხელ გავახარებთ".

### "დინამოში" ორ ლეგიონერს სინჯავენ

საქართველოს ჩემპიონის თბილისის "დინამოს" შემადგენლობაში ისინჯება ორი ფეხბურთელი - ბოსნია-ჰერცეგოვინელი ფუად სალიჰოვიჩი და ჩერნოგორიელი დანილო ტომიჩი. ამის შესახებ საფეხბურთო კლუბ "დინამოს" ოფიციალური ვებგვერდი იუწყება.

23 წლის სალიჰოვიჩი ამპლუთ ცენტრალური მცველია, ხოლო 22 წლის ტომიჩი - მარჯვენა ნახევარმცველი. კარიერის განმავლობაში სალიჰოვიჩს უკრაინის "ჩერნომორეცში", ბოსნიურ "სარაევოსა" და სერბულ "რადნიჩიში" უთამაშია, ბოლოს კი სერბეთის "ნოვი პაზარის" რიგებში გამოდიოდა.

ტომიჩი თამაშობდა ჩერნოგორიულ "პოდგორიცაში", რომელმაც წლეულს შემოდგომაზე დასრულებულ შიდა ჩემპიონატში მე-9 ადგილი დაიკავა. ის "დინამოს" ფორვარდ ილია სპასოვიჩთან ერთად ჩერნოგორიის ახალგაზრდულ ნაკრებში გამოდიოდა.

ტომიჩის განცხადებით, აქამდე მას საქართველოსა და "დინამოს" თაობაზე კარგის მეტი არაფერი სმენია, რაც სპასოვიჩის დამსახურებაა: "ჩერნოგორიულ ჟურნალ-გაზეთებსა და ტელევიზიაში ხშირად არის ილიას ინტერვიუები, რომლებშიც "დინამოსა" და საქართველოს თაობაზე კარგის მეტი არაფერი მსმენია. თბილისში ჩამოვედი. ვფიქრობ, პირველმა ვარჯიშმა კარგად ჩაიარა. ერთი შეხედვით იგრძნობა, რომ გუნდში ჩინებული ატმოსფერო და სამუშაო განწყობაა". რაც შეეხება სალიჰოვიჩს, ის "დინამოს" დიდ გუნდად თვლის: "დინამო" საქართველოს საუკეთესო და დიდი ტრადიციების გუნდია. კარგად უნდა წარმოვაჩინოთ თავი, რათა თბილისურ კლუბში დავრჩეთ. პირველივე ვარჯიშზე გამოჩნდა, რომ აქ ნამდვილი პროფესიონალები არიან და გუნდშიც კარგი ატმოსფეროა".

### მარკოშვილის მორიგი გამარჯვება

ქართველი კალათბურთელის მანუჩარ მარკოშვილის ჩინებული თამაშის წყალობით, "ბკ კიევის" უკრაინის ჩემპიონატის მე-12 ტურში "ბკ-93 პულსარს" 97:78 სძლია და ერთპიროვნული ლიდერობა შეინარჩუნა. მარკოშვილმა მოედანზე 31 წუთი დაჰყო და 15 ტყორცნიდან 14 გამოიყენა. მანუჩარმა 6-ე ორქულიანი და 7-ე საჯარიმო ჩააგდო, 2 სამეტყლიანიდან კი ერთი ზუსტად ტყორცნა.

ამგვარად, მოგროვებულ 22 ქულას ქართველმა კალათბურთელმა 4 პასი და 1 მოხსნა ნაამატა, ბურთი კი მხოლოდ ერთხელ დაკარგა და ორი ჯარიმა მიიღო.

მარკოშვილს ორივე გუნდის შემადგენლობაში საუკეთესო მაჩვენებელი ჰქონდა, კიეველთა გამარჯვებაში კი წვლილი დაიდევს დროზდოვმა და ბაირამოვიჩმა, რომელთაც, შესაბამისად, 16 და 13 ქულა მიითვალეს. "ბკ კიევის" 12 ტურში 11 მოგება აქვს და პირველ ადგილზეა. მარკოშვილის კლუბი მომდევნო მატჩს მომავალი წლის 3 იანვარს "სუმბიშიპრომთან" გამართავს.

### დე ინგმა "ჰამბურგში" დარჩენა არჩია

"ჰამბურგის" სპორტული დირექტორის დიტმარ ბაიერსდორფერის თქმით, კლუბს და მის ჰოლანდიელ ნახევარმცველს ნაიჯელ დე იონგს ცოტადა აკლიათ საიმისოდ, რათა კონტრაქტი, რომელსაც 2010 წლის 30 ივნისს გასდის ვადა, ერთი წლით გაახანგრძლივონ.

ჯერაც მოქმედ კონტრაქტში არის ერთი მუხლი, რომლის მიხედვით, თუ ვინმე დე იონგში 2 მილიონ ევროს გადაიხდის, "ჰამბურგი" მას ნასვლაში ხელს ვერ შეუშლის.

ახალი ხელშეკრულებით, 24 წლის ჰოლანდიელი, რომელიც 2006 წლის იანვარში ჰანზურ კლუბში ამსტერდამის "აიაქსიდან" გადავიდა, ყოველწლიურად 3,5 მილიონ ევროს მიიღებს და "ჰამბურგის" ყველაზე მაღალანაზღაურებადი ფეხბურთელი გახდება.

### "მგლებს" შეფერი დაემტკრათ

"ვოლფსბურგს" "მილანთან" უეფას თასზე სტუმრად გამართულ მატჩში (2:2) მარცხენა მცველი მარსელ შეფერი დაემტკრა.

მან მუხლის ტრავმა მიიღო და მისი მოშუშების შემდეგ, საზამთრო პაუზის დროს, სპეციალური პროგრამით ვარჯიში მოუწევს. კლუბი იმედოვნებს, რომ ის იანვრის ბოლოსთვის, ესე იგი, მეორე წრის დანებებამდე ისევ მწყობრში იქნება.

### "სლავია" დაისაჯა

უეფას სადისციპლინო კომიტეტმა პრაღის "სლავია" 4 დეკემბერს, საკუთარ მოედანზე, "ჰამბურგთან" 0:2 ნაგებულ მატჩში გულშემატკივართა ხულიგნური გამობხრობებისთვის 15000 ევროთი დასაჯა.

"ჰამბურგთან" მარცხმა "სლავიას" უეფას თასის პლეი-ოფში გასვლის ყოველგვარი შანსი დაუკარგა. ამ მატჩში ჩეხი გულშემატკივრები მოედანზე პოლიციელების ბოთლებსა და სანთებლებს ისროდნენ. ამ ინციდენტის შემდეგ "სლავიას" ხელმძღვანელობამ ქომაგებს სტადიონზე სანთებლების შეტანა აუკრძალა, ხოლო არენის ტერიტორიაზე სასმელი მხოლოდ პოლიციელების ჩიქებით გაიყიდა.

## ქანატი ორ ტიტულზე ოცნებობს

მისი დებუტი "ინტერის" შემადგენლობაში 1995 წლის 27 აგვისტოს შედგა და აი, უკვე 13 სეზონია, რაც არგენტინელი მცველი ხავიერ დანეტი "ნერაძურის" ლირსებას იცავს. იმ 600-ზე მეტ მატჩში, რომელიც დანეტმა მილანური კლუბის მაისურით ითამაშა, კარგიც ბევრი იყო და ცუდიც. ფიფას ოფიციალური ვებგვერდის ჟურნალისტთან საუბარში 35 წლის ვეტერანი "ინტერთან" ერთად არგენტინის ნაკრებზეც საუბრობს.

**- ხავიერ, "ინტერის" შემადგენლობაში უკვე 600-ზე მეტი მატჩი გაქვთ გამართული. რას ნიშნავს ეს თქვენთვის?**

- ძალიან ბევრს. მით უმეტეს, რომ საუბარია კლუბზე, რომელიც მთელ მსოფლიოშია ცნობილი. მეამაყება, რომ ასეთი ხანგრძლივი და, შეიძლება ითქვას, წარმატებული კარიერა მაქვს. ჩემს მიერ განვლილ გზას რომ გადავხედავ, უამრავი სასიამოვნო ეპიზოდი მახსენდება, პირველ რიგში, რა თქმა უნდა, ტიტულები.

**- ერთ-ერთი ყველაზე სასიამოვნო ალბათ 1998 წელს უეფას თასის ფინალში "ლაციოს" დამარცხებაა, არა?**

- რა თქმა უნდა. ის ტიტული ჩემთვის მართლაც განსაკუთრებულია, რადგან ეს იყო პირველი მნიშვნელოვანი ჯილდო, რომელიც "ინტერის" შემადგენლობაში მოვიგე, თანაც ფინალურ მატჩში გოლიც გავიტანე.

**- ყველაზე ნაკლებად რისი გახსენება გასურთ?**

- 2002 წლის 5 მაისი. იტალიის ჩემპიონატის ბოლო ტურის მატჩი "სტადიო ოლიმპიკოზე". მაშინ "ლაციოსთან" დავმარცხდი და სკუდეტო დაკარგეთ. საოცრად გულდასაწყვეტი იყო და, მერნშუნეთ, იმ თამაშის გახსენება მართლა არ მინდა.

**- როდესაც "ინტერში" ჩაირიცხეთ, გუნდს, შეიძლება ითქვას, წარსული დიდებით ცხოვრობდა, ანწყობი კი ვერაფერს იგებდა. ახლა ვითარება შეიცვალა - "ინტერი" ისევ ყველა ტურნირის ფავორიტია, რომელშიც კი იღებს მონაწილეობას. რითი ახსნით ამ ტრანსფორმაციას?**

- ძლიერი გუნდის ასაშენებლად დროა საჭირო. მე რომ "ინტერში" მოვედი, გუნდის მშენებლობა იწყებოდა. ბოლო ოთხი წლის განმავლობაში "ინტერმა" საკუთარი თავი, უფრო სწორად, საკუთარი თამაში იპოვა და შედეგამაც არ დაახანა.

**- სხვა კლუბში გადასვლის შანსი არ გქონია?**

- ცხადია, ასეთი შანსი იყო და



"ინტერის" უბერებელი კაპიტანი ხავიერ დანეტი

თანაც არაერთი. არჩევანი დიდი მქონდა. შემეძლო ინგლისში ან ესპანეთში გამეგრძელებინა კარიერა, მაგრამ მე ჩემს თავს "ინტერთან" ვაიგივებ. ამიტომ დავრჩი ამ გუნდში.

**- არაერთ დიდ ფეხბურთელთან გითამაშიათ. რას იტყვით რონალდოს შესახებ?**

- ნამდვილი ჩემპიონია. ბედნიერი ვარ, რომ მის გვერდით მომიხდა თამაში. ასეთი ფეხბურთელები იშვიათად იხადებიან.

**- როგორ ახსნით იმ ფაქტს, რომ ისეთმა ფეხბურთელებმა,**

როგორებიც არიან ანდრეა პირლო და კლარენს ზედორფი, "ინტერში" ფეხი ვერ მოიკიდეს და ახლა "მილანში" ბრწყინავენ?

- ყველაფერი ფეხბურთელის ინდივიდუალობაზე დამოკიდებულია. შესაძლოა იმხანად, როდესაც ისინი "ინტერში" მოვიდნენ, რაღაც პრობლემები ჰქონდათ. ყველა ფეხბურთელი თავად ირჩევს თავის გზას. პირადად მე ჩემს არჩევანს არ ვნანობ.

**- გული არ გწყდებათ, რომ არასდროს არ მოგიგიათ მსოფლიო ჩემპიონისა და ჩემპიონთა ლიგის გამარჯვებულის ტიტული?**

- მაცალეთ, ამ ტიტულების მოგების შანსი ჯერ კიდევ მაქვს. იმედია, მოიგებ.

**- რას იტყვით არგენტინის ნაკრების იმ თაობაზე, რომელმაც პეკინის ოლიმპიური ოქრო მოიგო?**

- ბრწყინვალე ფეხბურთელები არიან. უფრო ტექნიკურები და შესაძლოა ტაქტიკურადაც უკეთ მომზადებულები. იმედია, ეს თაობა არგენტინის ნაკრებს მსოფლიო ჩემპიონის ტიტულს მოუტანს, რადგან არგენტინელები ამას ვიმსახურებთ.

**- რამდენად შეიცვალა ფეხბურთის მას შემდეგ, რაც თქვენი პროფესიული კარიერა დაიწყო?**

- ბევრი რამ შეიცვალა როგორც კარგისკენ, ისე ცუდისკენ. ამ ცვლილებებზე საუბარი შორს წავიყვანს. ერთს კი ვიტყვი: ცვლილებები აუცილებელია და ადამიანმა მას ფეხი უნდა აუნყოს.

**- 2010 წლის მუნდიალი უკანასკნელი ტურნირი იქნება თქვენს კარიერაში?**

- სავარაუდოდ. იმედია, ტურნირს პირველ ადგილზე დავასრულებ. აუცილებლად გავემგზავრები 2014 წლის მუნდიალზეც, რომელსაც ბრაზილია უმასპინძლებს, ოღონდ უკვე არგენტინის ნაკრების გულშემატკივრის როლში.

## ვილია 127 მილიონად შეფასდა



შველიოს ვილიას, ოღონდ იმ შემთხვევაში, თუ მყიდველი 120 მილიონ გირვანქა სტერლინგს გადაიხდის. თანხა სამჯერ აღემატება იმას, რის გადახდაზეც "სიტი" ყაბულს იყო.

საეჭვოა, რომ "ქალაქელებმა" ესპანელ ფორვარდში ამდენი გადაიხადონ. ეს, რა თქმა უნ-

და, "ვალენსიას" მესურებსაც ესმით. ასეთი თანხის დასახელება მიგვანიშნებს იმაზე, რომ ან "ლამურებს" არ სურთ ვილიას გაყიდვა, ან 40 მილიონი ევროტავათ და ახლა თანხის გაზრდას ცდილობენ.

ცნობილია, რომ "სიტის" მესურებები მარკ ჰიუზს ზამთ-

რის სატრანსფერო პერიოდში 100 მილიონ გირვანქა სტერლინგს აძლევენ ახალი ფეხბურთელების შესაძენად. თანხა თავად ჰიუზის შეხედულებისამებრ დაიხარჯება. მწვრთნელს შეუძლია ამ ფულით ერთი ან რამდენიმე ფეხბურთელი იყიდოს.

# აბსოლუტური მსოფლიო



პეკინის ოლიმპიურ ტაბაში გუჯუიანისთვის სატოში იშის ნახევარფინალური ბარიერი გადალახავი აღმოჩნდა

## გიგა ბარასაშვილი

საფრანგეთის ქალაქი ლევალო ძიუდოში აბსოლუტური მსოფლიო ჩემპიონატისთვის ემზადება. ემზადებიან ქართველი მძიმეწონისებებიც - ზვიად ხანჯალიაშვილი და ლაშა გუჯუევიანი. ორგანიზატორთათვის პირველი მსოფლიო ჩემპიონატი (20-21 დეკემბერი) იმითაც არის მნიშვნელოვანი, რომ აქ მონაწილეობის მიღება შეუძლია ყველას, წონითი კატეგორიების მიუხედავად. ამბობენ კიდევ, ძიუდო საკუთარ ფესვებს დაუბრუნდაო - ხანას, როდესაც წონითი კატეგორიები არ იყო გათვალისწინებული.

თუმცა, როგორც უნდა იყოს, აბსოლუტურ ჩემპიონატზე 100 კილოგრამზე ნაკლები წონის ძიუდოსტისთვის ასპარეზობა აზრს კარგავს. ერთი სიტყვით, პეკინის

ოლიმპიური თამაშებიდან ოთხი თვის შემდეგ საფრანგეთი უძლიერეს ძიუდოსტებს იკრებს. უმაღლესი ჯილდოსთვის, რომელიც პრემიალური 100 ათასი დოლარითაცაა განსაზღვრული, 32 ვაჟი და ამდენივე ქალი იბრძოლებს.

შვიდი წონითი კატეგორიიდან ექვსში ძიუდოსტებმა 2008 წლის საერთაშორისო სეზონი ჯერ კიდევ ნოემბერში დაასრულეს. ქართული ძიუდოს სკოლისთვის კი სეზონი დეკემბრის დასაწყისში საქართველოს ჩემპიონატით დასრულდა. გამოაკლისი მხოლოდ მძიმე წონა გახლდათ.

სადებიუტო აბსოლუტურ ჩემპიონატს ეშხს მატებს ისიც, რომ მასში იასპარეზებენ იაპონელები - პეკინის ოლიმპიური თამაშების ჩემპიონი სატოში იში, რომელმაც, სხვათა შორის, იმავე თამაშების ნახევარფინალში ლაშა გუჯუევიანი დაამარცხა, მსოფლიოს ორგზის ჩემპიონი იასუიუკი მუნეტა, ათენის ოლიმპიური თამაშებისა

და მსოფლიოს ორგზის ჩემპიონი კეიჯი სუზუკი. აღარაფერს ვამბობთ სხვა ქვეყნის წარმომადგენლებზე - მსოფლიოს ორგზის ჩემპიონ რუს ალექსანდრ მისხაილინზე, პეკინის თამაშების ჩემპიონზე 100 კგ წონაში, მონგოლ ნაიდანგინ ტუვშინბაიარზე

ყველაზე დიდი გუნდით, რა თქმა უნდა, მასპინძლები გამოდიან და დიდ იმედს ამყარებენ ევროპისა და მსოფლიო ჩემპიონზე, პეკინის თამაშების ბრინჯაოს პრიზიორზე ტედი რინერზე, რომელმაც გუჯუევიანს მესამე ადგილისთვის ბრძოლა მოუგო.

საქართველოს ნაკრებს ორი სპორტსმენით ასპარეზობის უფლება მიეცა. ნაკრების მთავარმა მწვრთნელმა შოთა ხაბარელმა ეს შესაძლებლობა გამოიყენა და საფრანგეთში ლაშა გუჯუევიანი და ზვიად ხანჯალიაშვილი იახლა.

აბსოლუტურ ჩემპიონატზე წამსვლელთა შორის გუნდში ადგილი თავიდანვე ჰქონდა და-

ბევებული მძიმე წონითი კატეგორიის ლიდერს ლაშა გუჯუევიანს. რაც შეეხება ნაკრების მეორე წევრს, ის საქართველოს ჩემპიონატის გამარჯვებულისთვის იყო შეგულებული. ეროვნული ჩემპიონატის (2-3 დეკემბერი) ოქროს მედალი კი ზვიად ხანჯალიაშვილმა დაისაკუთრა. კარგია, რომ ტურნირის ორგანიზატორებმა ქართველი სპორტსმენები ბადის სხვადასხვა მხარეს ჩასვეს, რაც იმის გარანტიას, რომ მათი გზები ფინალამდე არ გადაიკვეთება.

საქართველოს ორკაციანი ნაკრები გუნდში დილით გაემგზავრა საფრანგეთში. მანამდე ხაბარელმა თქვა, რომ მშვენიერი სეზონი ჰქონდათ და იქვე დასძინა: შევეცდებით, დასასრულიც ლამაზი იყოსო.

წამსვლელთა შორის საერთაშორისო კატეგორიის მსაჯი ვლადიმერ ნუცუბიძეც უნდა ყოფილიყო (ის ორგანიზატორებმა პირადად მიიწვიეს სამსაჯოდ), მაგრამ ავადმყოფობის გამო თბილისში დარჩა.

## ლორენი გუნდის დაშლას ელის

ინგლისის "პორტსმუთის" კამერუნელი მცველი ბისან ლორენს მიაჩნია, რომ ზამთრის სატრანსფერო ფანჯრის დროს გუნდს რამდენიმე საკვანძო ფეხბურთელი დატოვებს.

23 წლის მცველი ლასანა დიარა მადრიდის "რეალში" თითქმის გადასულია, 26 წლის ინგლისელი თავდასხმელი ჯერმინ დეფოთი და 24 წლის მცველით გლენ ჯონსონით კი ლონდონის "ტოტენჰემი" დაინტერესებული.

ლორენი არ გამოიციხება, რომ იანვრის სატრანსფერო ფანჯრის დროს გუნდი თავადაც გამოიცვალოს.

"დიდი გუნდები ჩვენი კლუბის შემადგენლობას პრაქტიკულად აქუცმაცებენ. საუბარია არა მხოლოდ დიარაზე, არამედ დეფოსა და ჯონსონზე, რომლებიც შესაძლოა "ტოტენჰემში" გადავიდნენ. მსოფლიოს ფინანსური კრიზისის გათვალისწინებით, ასეთი პროცესი მოსალოდნელი იყო. გადახედეთ იმ ფეხბურთელებს, რომლებიც "პორტსმუთმა" ბოლო ორი წლის განმავლობაში შეიძინა - კემპბელი, კრაუჩი, პედრუ მენდემი, კანუ, დეფო. მათი უმრავლესობა გუნდის გამოცვლაზე ფიქრობს. მათ რიცხვს მეც მივეკუთვნები. წინადადებები მაქვს თურქული და ბერძნული კლუბებისგან. ყველაფერი იანვარში გაირკვევა," - ამბობს კამერუნელი.

## აფრიკელი კიპერი დოპინგის მიღებაში გამოიჭირეს

ლიბერიის ფეხბურთელთა ეროვნული ნაკრების მეკარემ მელვინ კინგმა დოპინგის გამოყენებისთვის ხუთთვიანი დისკვალიფიკაცია მიიღო.

ლიბერიელ მეკარეს აკრძალული პრეპარატი ორგანიზმში 2010 წლის მსოფლიო ჩემპიონატის შესარჩევ ციკლში, სენეგალის ეროვნულ გუნდთან 1:3 ნაგებულ მატჩში აღმოუჩინეს.

ფიფას სადისციპლინო კომიტეტი თავდაპირველად კინგისთვის ორწლიანი დისკვალიფიკაციას ითხოვდა, მაგრამ საბოლოოდ 5 თვეზე შეჩერდა. გადაწყვეტილება ძალაში შევიდა მიმდინარე წლის 2 ოქტომბრიდან.

## კაფუ ფეხბურთს ვერ ელევა

ბრაზილიის ეროვნული ნაკრების შემადგენლობაში ორგზის მსოფლიო ჩემპიონი კაფუ რამდენიმე მატჩს ინგლისის მე-8 ლიგაში მოასპარეზე "გარფორტ თაუნში" ჩაატარებს.

გუნდის მთავარმა მწვრთნელმა საიმონ კლიფორდმა (რომელიც აგრეთვე იმ საფეხბურთო სკოლის მენეჯერია, რომელშიც ინგლისის ეროვნული ნაკრების მცველი მიკა რიჩარდსი აღიზარდა) კაფუ კარიერის დასრულებამდე "გარფორტ თაუნში" რამდენიმე მატჩის გამართვაზე დაითანხმა.

"სავარაუდოდ, კაფუ მომავალი წლის აპრილში ჩამოვა ინგლისში და გუნდში რამდენიმე თამაშს ჩაატარებს. ჩვენთვის დიდი პატივია, რომ ასეთი დონის ფეხბურთელი მოედანზე "გარფორტის" მაისურით გამოვა. ვფიქრობ, ის თავის კლასს აჩვენებს," - განაცხადა კლიფორდმა.

38 წლის კაფუ გასულ სეზონში თამაშობდა იტალიის "მილანში", რომელიც ზაფხულში დატოვა და სხვა კლუბში კარიერა არ გაუგრძელებია.

სხვათა შორის, თავის დროზე "გარფორტში" უთამაშაო ისეთ ცნობილ ბრაზილიელ ფეხბურთელებს, როგორებიც არიან სოკრატესი და კარეკა.

## ტრომბეტა "კლუყიდან" დაითხოვეს

რუმინეთის "კლუჟის" პრეზიდენტმა იულიუ მურეშანმა დაკავებული თანამდებობიდან გაათავისუფლა გუნდის მთავარი მწვრთნელი მაურიციო ტრომბეტა.

"ჩვენ არ შეგვიძლია მოვითმინოთ, რომ გუნდმა ზედიზედ 6 თამაში ნაგავს. დღეს მხოლოდ ორი რუმინელი სპეციალისტია, რომელსაც გუნდის გაძლოა შეუძლია - დან პეტრესკუ და რეზვან ლუჩესკუ, მაგრამ გუნდში არც ერთი მათგანი არ მოვა. ასე რომ, მთავარი მწვრთნელის მოძებნა საზღვარგარეთ მოგვიწევს," - განაცხადა მურეშანმა.

ტრომბეტას გათავისუფლების მიზეზი გახდა ის, რომ გუნდი ვერ გავიდა ვერც ჩემპიონთა ლიგის ჯგუფური ტურნირიდან და ვერც უეფა თასზე. ყველაფერ ამას ისიც დაემატა, რომ რუმინეთის ჩემპიონატში "კლუჟი" ბუქარესტის "დინამოსთან" 6-ქულიან ჩამორჩენას ვერ ამცირებს.

## "რასინგი" შემადგენლობას აძლიერებს

ესპანეთის პრიმერადივიზიონში მოასპარეზე სანტანდერის "რასინგი" ზამთრის სატრანსფერო პერიოდში ორი ფეხბურთელი - ნახევარმცველ ტონი მორალითა და ფორვარდ ნიკოლა ფიგინით გაძლიერდება. "რასინგმა" 27 წლის მორალი "ალავესიდან" 750 000 ევროს სანაცვლოდ შეიძინა და კონტრაქტი 2012 წლამდე გაუფორმა; რაც შეეხება ფიგინს, მისი იჯარის თაობაზე "რასინგი" და "ვალენსია" ზაფხულში იყვნენ მოლაპარაკებულები, მაგრამ, გარკვეულ მიზეზთა გამო, სერბი ფორვარდი სანტანდერში ვერ გადავიდა, თუმცა ამჯერად ფიგინის იჯარას წინ არაფერი უდგას - ის "რასინგში" მომავალი წლის 30 ივნისამდე დარჩება.

# "სპორტის ჭირი"

20 დეკემბერს ციურისში, "ჰალენშტადიონზე", რუსების მტკიცებით, საუკუნის კრივი გაიმართება. საერთაშორისო კრივის საზოგადოება ამ ბრძოლას დიდი ეჭვით უყურებს, ზოგიერთი დასცინის, ზოგს კი "სპორტის ჭირად" მიაჩნია.

ალბათ ხვდებით - საუბარია რუსი ნიკოლაი ვალუევისა და ამერიკელი ევანდერ ჰოლიფილდის დაპირისპირებაზე.

სპეციალისტები ვალუევის აკრიტიკებენ, რადგან WBA-ს ვერსიით მსოფლიო ჩემპიონს 46 წლის ჰოლიფილდთან რინგზე გასვლა არ ეკადრება.

გასული საუკუნის 90-იან წლებში ჰოლიფილდი სერიოზული ძალა იყო და მსოფლიოს აბსოლუტური ჩემპიონის ტიტულსაც ფლობდა, მაგრამ ახლა კრივისთვის მოხუცია, არ შესწევს ძალა რუს გოლი-



ჰოლიფილდი სიბერეს არ ეუბნება და ვალუევიან ბრძოლას აპირებს

ათს წინააღმდეგობა გაუწიოს. ასე რომ, 20 დეკემბრის ბრძოლა შესაძლოა ფარსად იქცეს.

ჰოლიფილდი, რომელიც ვა-

ლუეზე 40 კილოგრამით მსუბუქი და 30 სანტიმეტრით დაბალია, უკანასკნელად 14 თვის წინ გავიდა რინგზე და რუს სულთან იბრაგიმოვთან დამარ-

ცხდა.

როგორც ჩანს, ჰოლიფილდმა ეს მარცხი არ იკმარა და ახლა სურს ვალუევისაც აცემინოს თავი, თუმცა რა პრინციპებით ხელმძღვანელობდა თავად ვალუევი, როდესაც ჰოლიფილდთან ბრძოლაზე დათანხმდა, ძნელი სათქმელია.

ასეა თუ ისე, ბრძოლა, რომლის შედეგი წინასწარ არის ცნობილი, ხვალ მაინც გაიმართება. გამარჯვებული შეხვდება რუსულან ჩაგაევს, რომელიც WBA-ს ვერსიით მოქმედი, ოლონდ დროებითი ჩემპიონის ტიტულს ფლობს.

ძმები კლიჩკოების მენეჯერმა ბრენდ ბენტემ მომავალ ბრძოლას სირცხვილი და "სპორტის ჭირი" უწოდა. ბენტეს აზრით, ასეთი მატჩების გამართვა კრივის პრესტიჟს უღახავს.

# უნაბირა სანავარა TGA 18.430 4x2 BLS



ემისია: ევრო 3  
სიმძლავრე: 430 სხ.ძ.  
კაბინა: XXL. მაღალი ჭარბით  
ძრავი: D2066LF01 Common-Rail  
ბალანსირებადი კოლოფი: ZF 16 S 222 DD ინტარდარით  
კრუიკომპონენტები, კონდიციონერი,  
სრული ელექტრო პაკეტი,  
დამოუკიდებელი გათბობის სისტემა  
ბარანტი: 2 წელი ან 200,000 კმ

**მიწოდების ვადა  
1 დღე**



## განვიანი ნ/მისაგებელი Schmitz Cargobull

მოხალობა: 93 მ<sup>3</sup>  
დაკიდების სისტემა: კნემატური  
ბარანტი: 1 წელი

**საყვარული ფასდაკლება  
Man Nutzfahrzeuge AG-გან**

ქ. თბილისი, დ. აღმაშენებლის ხეივანი მე-12 კმ. E-mail: info@ge.man-mn.com  
☎ 244-744, 📠 895 225-828 📠 244-744 (1219) [www.tegetamotors.ge](http://www.tegetamotors.ge)

### მუდმივმოქმედი არბიტრაჟი „დავების განმხილველი ცენტრი“ DDRC-ს სასამართლო

მხარისათვის შეტყობინების მიზნით  
სხდომის დღის პუბლიკაციის მიზნით  
DDRC- ის საარბიტრაჟო სასამართლოს წარმოებაშია ს/ს ნაბკი  
რესპუბლიკა“-ს  
საარბიტრაჟო პრეტენზია კახაბერ შუბლაძის მიმართ.  
სსენებელი საქმის განხილვის მიზნით სასამართლო სხდომა და-  
ნიშნულია 2008 წლის 30 დეკემბერს 14:00 საათზე, მუდმივმოქმედ არ-  
ბიტრაჟ დავების განმხილველ ცენტრში“ შემდეგ მისამართზე ქ. თბი-  
ლისი, გამრეკელის (ყოფ. კუტუზოვის) ქ. N19-ში, მე-6 სართულზე.  
სსენებელი სხდომის შესახებ შეტყობინებულ იქნეს მოპასუხე კა-  
ხაბერ შუბლაძე მცხოვრები გლდანი მე-5 მკრ, მე-17 კორპ, ბ132. ალტ.  
მისამართი წყნეთის ქ. ბინა NN6

### ინფორმაცია ტენდერში გამარჯვებულის გამოვლენის შესახებ

საქართველოს კონტროლის პალატის მიერ მიმდინარე წლის 3 დე-  
კემბერს და 15 დეკემბერს ერთი ცალი მაღალი გამავლობის ჯიბის ტი-  
პის და ორი ცალი მსუბუქი, სედანის ტიპის ავტომანქანების შესყიდ-  
ვის მიზნით გამოცხადებულ ტენდერებში გამარჯვებულებად გამოვ-  
ლინდნენ: სს ჰიუნდაი ავტო საქართველო და შპს ტოიოტა ცენტრი  
თბილისი .

### განცხადება ტენდერში ცვლილების შეტანის შესახებ



სსიპ ილია ჭავჭავაძის სახელმწიფო უნივერსიტეტის მიერ ავტომობილების ლიზინგის საშუალებით შესყიდვის  
მიზნით გაზთი „24 საათი“ (06 დეკემბერი №273) გამოქვეყნებულ სატენდერო განცხადებაში შევიდეს ცვლილება  
და შესასყიდი საქონლის დასახელება ჩამოყალიბდეს შემდეგი სახით:

შესყიდვის ობიექტი - სატრანსპორტო საშუალება.

| ლოტი № | დასახელება                                 | მონაცემები  | რაოდენობა | ერთეულის<br>საფარაულო<br>ღირებულება | მოწოდების<br>ვადა  | ლიზინგის<br>ვადა |
|--------|--|---|-----------|-------------------------------------|--|------------------|
| I      | ავტომობილი FJ-კრუიზერი                     | XTREME, 4X4, 4,0<br>ლ. ბენზინი, 2008<br>წლის  | 1 ცალი    | 44 500 აშშ<br>დოლარი                | მოწოდების<br>ანგარიშზე<br>თანხის<br>ჩარიცხვიდან<br>არა უგვიანეს 8<br>კვირისა | 24 თვე           |
| II     | ავტომობილი ტოიოტა რაე-4                    | გრძელ ბაზიანი,<br>4X4, 2,4 ლ.<br>ბენზინი, 2008 წლის   | 2 ცალი    | 33 150 აშშ<br>დოლარი                |  |                  |
| III    | ავტომობილი ტოიოტა კოროლა<br>სედანი         | ZZE141L-AEPDK-<br>AT, 1,6 ლ. ბენზინი,<br>2008 წლის  | 3 ცალი    | 18 900 აშშ<br>დოლარი                |  |                  |
| IV     | ტოიოტა პაილუქსი (პიკაპი)                   | 2007 წლის, 5<br>ადგილიანი, 2,5 ტ/<br>დიზელი   | 2 ცალი    | 29 500 აშშ<br>დოლარი                |  |                  |
| V      | საზღვაო გემი (სამეცნიერო<br>მიზნებისათვის) | დამზადებულია<br>1988 წელს,<br>სიგრძე - 27,8 მ,<br>სიგანე - 6,9 მ,<br>ბორტის სიმაღლე -<br>3,15 მ | 1 ცალი    | 101 000 ლარი                        |  |                  |

### განცხადება კონკურსის შესახებ

სსიპ მოლეკულური ბიოლოგიისა და ბიოლოგიური ფიზიკის ინს-  
ტიტუტი აცხადებს კონკურსს სამეცნიერო სტრუქტურული ერთეუ-  
ლების ხელმძღვანელთა შემდეგ თანამდებობებზე:

- ა) ბიოლოგიური ძვრადობის განყოფილების ხელმძღვანელი /  
მთავარი მეცნიერ-თანამშრომელი,
- ბ) მოლეკულური ბიოფიზიკის განყოფილების ხელმძღვანელი /  
მთავარი მეცნიერ-თანამშრომელი,
- გ) სტრუქტურული ბიოინფორმატიკისა და სინთეზის განყოფი-  
ლების ხელმძღვანელი / მთავარი მეცნიერ-თანამშრომელი,
- დ) ფუნქციური გენომიკის განყოფილების ხელმძღვანელი / მთავა-  
რი მეცნიერ- თანამშრომელი,

კონკურსში მონაწილეობის მიღება შეუძლია პირს, თუ მას აქვს  
დოქტორის აკადემიური ან მასთან გათანაბრებული (მეცნიერებათა  
კანდიდატის, დოქტორის) ხარისხი;  
კონკურსთან დაკავშირებული ყველა მოთხოვნა განთავსებუ-  
ლია ინსტიტუტის ვებ-გვერდზე: [web-  
site:http://www.imbbp.org/contest-2009.html](http://www.imbbp.org/contest-2009.html) და განათლებებისა და  
მეცნიერების სამინისტროს ვებ-გვერდზე: [web-  
site:http://www.mes.gov.ge/](http://www.mes.gov.ge/) საბუთები მიიღება მოლეკულური ბიო-  
ლოგიისა და ბიოლოგიური ფიზიკის ინსტიტუტში. მისამართი: გოთუ-  
ას ქ. 12, თბილისი. 11-16 საათამდე. საბუთები წარმოდგენილი უნდა  
იყოს ქართულ ენაზე ნაბეჭდი სახით და ელექტრონული ფორმით. სა-  
ბუთების წარმოდგენის ბოლო ვადაა 2009 წლის 20 იანვარი 16სთ.  
კონკურსის შედეგები გამოცხადდება 2009 წლის 26 იანვარს.

დამატებითი ინფორმაციისათვის მოგვმართეთ: e-mail:  
info@imbbp.org; chelidze@imbbp.org fax:+99532371733; tel:  
371733; 374211; 899588964. პასუხისმგებელი პირი: მეგი ჭელიძე

## იკოთიკური სესხი

ერთი ხელის მოსმით

- ▶ ახლოდ 14% -17%
- ▶ სახლის ღირებულების 75%
- ▶ სესხის ვადა 20 წლამდე



დავკრიკავთ: 17 77 77  
ან იხილეთ: [www.hsbc.ge](http://www.hsbc.ge)  
ან მოზარადით: რუსთაველის გამზ. 15

თქვენი ბანკი მთელ მსოფლიოში